



Borgarráð  
Ráðhús Reykjavíkur

**Efni: *Framlenging samninga við tónlistarskóla í Reykjavík vegna neðri stiga tónlistarnáms og endurnýjun samninga vegna efri stiga tónlistarnám***

Skóla- og frístundasvið hefur unnið að framlengingu og endurnýjun samninga við tónlistarskóla í Reykjavík. Vegna gagnaöflunar náðist ekki að leggja málið fyrir skóla- og frístundaráð til afgreiðslu fyrir sumarleyfi. Með vísan til meðfylgjandi gagna er óskað eftir að málið verði afgreitt með eftirfarandi hætti:

Sviðsstjóri skóla- og frístundasviðs óskar eftir heimild til að samningar Reykjavíkurborgar við 17 tónlistarskóla með þjónustusamning við Reykjavíkurborg vegna neðri stiga tónlistarnáms, sem runnu út þann 31. júlí 2024 og viðaukar samkvæmt þeim, verði framlengdir með viðauka til 31. júlí 2025, sjá upplýsingar um samningsaðila og kennslumagn í fylgiskjali 1, sem birt er með fyrirvara um endanlega útreikninga. Sviðsstjóra verði falið að gera samninga um kennslu á neðri stigum í samræmi við endanlega útreikninga og fjárheimildir sviðsins.

Þá er óskað eftir heimild til að gerðir verði samningar við 15 tónlistarskóla í Reykjavík vegna efri stiga tónlistarnáms á grundvelli þeirra upplýsinga sem berast munu frá Jöfnunarsjóði haustið 2024. Gildistími verði 1. september 2024 til 31. ágúst 2025. Hlutverk Reykjavíkurborgar er að miðla framlagi Jöfnunarsjóðs í samræmi við reglur sjóðsins og gera samninga við þá aðila sem falla undir samkomulag um eflingu tónlistarnáms. Sviðsstjóra skóla- og frístundasviðs verði því falið að ganga frá samningum við hlutaðeigandi aðila á grundvelli upplýsinga frá Jöfnunarsjóði þegar þær berast. Samningsaðilar í fskj. 2 eru birtar með fyrirvara um greiðslur frá Jöfnunarsjóði og byggja á eldri upplýsingum frá Jöfnunarsjóði og taka breytingum í samræmi við ákvarðanir frá sjóðnum. Þá er gerður fyrirvari um að samkomulag um stuðning við tónlistarnám og jöfnun á aðstöðumun nemenda til tónlistarnáms, sem er órjúfanlegur hluti þjónustusamninga vegna efri stiga og sem fellur úr gildi þann 31. desember 2024, verði framlengt eða endurnýjað.

Óskað er heimildar til að synja umsóknum sem borist hafa um aukið kennslumagn fyrir skólaárið 2024-2025, svo sem nánar er lýst í greinargerð í minnisblaði þessu, þar sem ekki er gert ráð fyrir því í fjárhagsáætlun skóla- og frístundasviðs.

Gerður verði fyrirvari vegna umsókna tónlistarskóla um aukaframlag vegna viðbótarlaunakostnaðar skóla við afleysingu vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, sjá nánar í gr. 2.11 í samningi við tónlistarskóla, samanber jafnframt gr. 5.11 í reglum um þjónustusamninga Reykjavíkurborgar við tónlistarskóla. Gerð er krafa um að áður en tekin er ákvörðun um



afleysingu verði haft samráð við skóla- og frístundasvið til að tryggja að til staðar séu forsendur greiðslu aukaframlags og jafnframt hvort til staðar séu fjárheimildir. Áskilinn er réttur til að synja umsóknum um aukaframlag hafi ekki verið leitað afstöðu skóla- og frístundasviðs áður en til ráðningar kemur.

Gerður verði fyrirvari um að tónlistarskólarnir uppfylli skilyrði reglna um þjónustusamninga Reykjavíkurborgar við tónlistarskóla og samningsbundnar skyldur þeirra samkvæmt núgildandi samningum.

Virðingarfyllt

Helgi Grímsson  
sviðsstjóri skóla- og frístundasviðs

Hjálagt:

Minnisblað sviðsstjóra, dags. 9. ágúst 2024

Drög að viðauka við samning vegna neðri stiga

Drög að samningi vegna efri stiga

Reglur um þjónustusamninga við tónlistarskóla með breytingum merktum

Reglur um þjónustusamninga við tónlistarskóla

Samkomulag um stuðning við tónlistarnám, dags. 29. mars 2022

Reglur um framlög úr Jöfnunarsjóði sveitarfélaga, dags. 31. ágúst 2016

Bréf Tónskóla Sigursveins, dags. 31. maí 2024

Bréf Tónlistarskólans í Grafarvogi, dags. 20. maí 2024

Bréf Allegro suzukitónlistarskólans, dags. 23. mars 2024

Bréf Tónskóli Hörpunnar, dags. 9. ágúst 2024

Umsögn fjármála og áhættustýringar, dags. 12. ágúst 2024



## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

### ***Efni: Framlenging samninga við tónlistarskóla í Reykjavík vegna neðri stiga tónlistarnáms og endurnýjun samninga vegna efri stiga tónlistarnám***

Sviðsstjóri skóla- og frístundasviðs óskar eftir heimild til að samningar Reykjavíkurborgar við 17 tónlistarskóla með þjónustusamning við Reykjavíkurborg vegna neðri stiga tónlistarnáms, sem runnu út þann 31. júlí 2024 og viðaukar samkvæmt þeim, verði framlengdir með viðauka til 31. júlí 2025, sjá upplýsingar um samningsaðila og kennslumagn í fylgiskjali 1, sem birt er með fyrirvara um endanlega útreikninga. Sviðsstjóra verði falið að gera samninga um kennslu á neðri stigum í samræmi við endanlega útreikninga og fjárheimildir sviðsins.

Þá er óskað eftir heimild til að gerðir verði samningar við 15 tónlistarskóla í Reykjavík vegna efri stiga tónlistarnáms á grundvelli þeirra upplýsinga sem berast munu frá Jöfnunarsjóði haustið 2024. Gildistími verði 1. september 2024 til 31. ágúst 2025. Hlutverk Reykjavíkurborgar er að miðla framlagi Jöfnunarsjóðs í samræmi við reglur sjóðsins og gera samninga við þá aðila sem falla undir samkomulag um eflingu tónlistarnáms. Sviðsstjóra skóla- og frístundasviðs verði því falið að ganga frá samningum við hlutaðeigandi aðila á grundvelli upplýsinga frá Jöfnunarsjóði þegar þær berast. Samningsaðilar í fskj. 2 eru birtar með fyrirvara um greiðslur frá Jöfnunarsjóði og byggja á eldri upplýsingum frá Jöfnunarsjóði og taka breytingum í samræmi við ákvarðanir frá sjóðnum. Þá er gerður fyrirvari um að samkomulag um stuðning við tónlistarnám og jöfnun á aðstöðumun nemenda til tónlistarnáms, sem er órjúfanlegur hluti þjónustusamninga vegna efri stiga og sem fellur úr gildi þann 31. desember 2024, verði framlengt eða endurnýjað.

Óskað er heimildar til að synja umsóknum sem borist hafa um aukið kennslumagn fyrir skólaárið 2024-2025, svo sem nánar er lýst í greinargerð í minnisblaði þessu, þar sem ekki er gert ráð fyrir því í fjárhagsáætlun skóla- og frístundasviðs.

Gerður verði fyrirvari vegna umsókna tónlistarskóla um aukaframlag vegna viðbótarlaunakostnaðar skóla við afleysingu vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, sjá nánar í gr. 2.11 í samningi við tónlistarskóla, samanber jafnframt gr. 5.11 í reglum um þjónustusamninga Reykjavíkurborgar við tónlistarskóla. Gerð er krafa um að áður en tekin er ákvörðun um afleysingu verði haft samráð við skóla- og frístundasvið til að tryggja að til staðar séu forsendur greiðslu aukaframlags og jafnframt hvort til staðar séu fjárheimildir. Áskilinn er réttur til að synja umsóknum um aukaframlag hafi ekki verið leitað afstöðu skóla- og frístundasviðs áður en til ráðningar kemur.



Gerður verði fyrirvari um að tónlistarskólarnir uppfylli skilyrði reglna um þjónustusamninga Reykjavíkurborgar við tónlistarskóla og samningsbundnar skyldur þeirra samkvæmt nógildandi samningum.

## Greinargerð:

I

### Yfirlit yfir meðferð málsins

Á fundi skóla- og frístundaráðs þann 26. júní 2023 og í borgarráði þann 29. júní 2023 var samþykkt að samningar vegna neðri stiga tónlistarnáms yrðu framlengdir til 31. júlí 2024 og að gerður yrði samningur til eins árs vegna efri stiga til 31. ágúst 2024. Vegna neðri stiga var um að ræða framlengingu með viðauka við samninga sem samþykkt var að gera til þriggja ára á fundi skóla- og frístundaráðs þann 3. maí 2017 og í borgarráði þann 11. maí 2017. Umræddir samningar höfðu áður verið framlengdir til eins árs í senn á grundvelli samþykktu skóla- og frístundaráðs þann 23. júní 2020, í borgarráði þann 13. ágúst 2020, þann 11. maí 2021 í skóla- og frístundaráði og í borgarráði þann 20. maí 2021 og 27. júní 2022 og í borgarráði þann 7. júlí 2022.

Hér er því lagt til að samningar verði framlengdir/endurnýjaðir við núverandi samningsaðila og að kennslumagn samkvæmt samningum verði það sama og í nógildandi samningum.

#### *Um samninga vegna neðri stiga*

Reglum vegna aldursviðmiða nemenda var breytt í þjónustusamningum við tónlistarskóla sem tóku gildi til eins árs frá og með 1. ágúst 2023. Framlög Reykjavíkurborgar til tónlistarskóla eru nú einungis ætluð vegna nemenda á átjándra ári (18) og yngri vegna fornáms, grunnnáms og náms á miðstigi í hljóðfæraleik og vegna nemenda í fornámi og grunnnámi í söng á tuttugasta og sjötta ári (26) og yngri.

Breytingar á aldursviðmiðum nemenda var liður í 70 milljón króna hagræðingakröfu árið 2023. Samþykkt var á fundi borgarstjórnar þann 6. desember 2022 lækkingun fjárheimilda til skóla- og frístundasviðs um 70 milljónir kr. sem fólst í þeim sparnaði sem hlaut af því að lækka aldursviðmið og minnka greiðsluþátttöku í hljóðfæranámi fullorðinna. Áfram yrði niðurgreitt nám fyrir nemendur 18 ára og yngri í grunn- og miðnámi. Samþykkt var að á móti yrði 25 milljónum kr. varið til aukins tónlistarnáms fyrir börn og að stefnt yrði að því að sú fjárhæð hækki um 25 milljónir kr. á ári í fjögur ár og verði aukning orðin að minnsta kosti 100 milljónir í lok þessa tímabils í samræmi við stefnumörkun borgarinnar um tónlistarnám.

Ekki kom til 25 milljón króna hækkunar á fjárheimildum skóla- og frístundasviðs til tónlistarskóla á fjárhagsáætlun 2024 eins og tillagan hljóðar á um.

Á sama fundi var samþykkt tillaga um lækkingun fjárheimilda skóla- og frístundasviðs um 30 milljónir kr. sem fólst í breytingum á aldursviðmiðum í söngnámi. Borgin niðurgreiði söngnám einstaklinga í grunnnámi til 26 ára aldurs en ekki er gert ráð fyrir að niðurgreiða söngnám þeirra sem hefja nám eftir 26 ára aldur. Á móti yrðu fjárheimildir til hverfakóra aukin frá og með árinu 2024.

Þann 13. maí 2024 var tónlistarskólum með þjónustusamning við Reykjavíkurborg sent bréf þar sem þeim var tilkynnt um áform skóla- og frístundasviðs að leggja til við skóla- og frístundaráð að nógildandi samningar vegna neðri stiga tónlistarnáms verði endurnýjaðir til þriggja ára. Tónlistarskólunum var veittur frestur til að koma á framfæri sjónarmiðum sínum til og með 20. maí 2024.



Þann 25. júní 2024 var tónlistarskólum með þjónustusamning við Reykjavíkurborg sent bréf þar sem tilkynnt var um að komið hefði í ljós að af fjárhagslegum ástæðum væru ekki forsendur til að leggja til að þjónustusamningar við tónlistarskóla í Reykjavík vegna neðri stiga tónlistarnáms verði endurnýjaðir til þriggja ára líkt og til stóð. Verði því lagt til að þeir verði endurnýjaðir með viðauka til eins árs, frá 1. ágúst 2024 – 31. júlí 2025, með óbreyttum fjölda kennslustunda miðað við núverandi fjárheimildir. Jafnframt var upplýst um að ekki væri hægt að afgreiða beiðnir um aukaframlag vegna viðbótarlaunakostnaðar tónlistarskóla við afleysingar vegna langtímaforfalla tónlistarkennara þar sem ekki eru til staðar fjárheimildir samkvæmt fjárhagsáætlun skóla- og frístundasviðs vegna þess kostnaðar. Verið væri að skoða hvaða leiðir væri unnt að fara og yrði upplýst um niðurstöðuna þegar hún lægi fyrir.

Fyrir liggur að í einum tónlistarskóla, Tónstofu Valgerðar, hefur allt frá stofnun árið 1986 verið lögð áherslu á að sinna einstaklingum, bæði börnum og fullorðnum sem vegna fötlunar sinnar hafa ekki haft greiðan aðgang að öðrum tónlistarskólum. Framvinda og markmið kennslunnar sem og kennsluaðferðirnar taka mið af forsendum, þörfum og óskum hvers einstaks nemanda. Ekki hefur verið gerður sérstakur samningur eða greitt sérstakt framlag vegna þjónustu skólans við fólk með fötlun. Hafið er samtal við velferðarsvið Reykjavíkurborgar og ríkisvaldið um hvernig fjármögnun tónlistarnáms fullorðins fólks með fötlun verður best fyrir komið til framtíðar. Unnið er að útfærslu. Ekki er komin niðurstaða í þau samtöl og því er lagt til að samningur við Tónstofu Valgerðar verði endurnýjaður óbreyttur þar til útfærsla verður fullunnin.

### *Beiðnir um greiðslu aukaframlags vegna langtímaforfalla*

Upplýst er um að skóla- og frístundasvið hefur til meðferðar beiðnir tónlistarskóla um greiðslu aukaframlaga vegna viðbótarlaunakostnaðar tónlistarskóla við afleysingar vegna langtímaforfalla tónlistarkennara og skólastjóra.

Í 5.11 gr. þjónustusamninga Reykjavíkurborgar við tónlistarskóla er tekið fram að tónlistarskólum sé heimilt að sækja sérstaklega um aukaframlag vegna viðbótarlaunakostnaðar skólans við afleysingar vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans, sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum. Umsóknarfrestur um aukaframlag er til 1. júní vegna yfirstandandi skólaárs.

Fram til ársins 2023 hafa fjárheimildir til tónlistarskóla dugað fyrir slíkum greiðslum og umsóknir um aukaframlag verið samþykktar að uppfylltum skilyrðum. Frá árinu 2018 var árlega gert ráð fyrir 25 milljón króna fjárheimild til að mæta óskum um viðbótarframlag vegna kostnaðar við afleysingu vegna langtímaveikinda tónlistarkennara. Árið 2023 var fjárheimildin nýtt til að mæta sólarlagsákvæðum til tónlistarskóla og þannig milda höggið á tónlistarskóla vegna 75 milljón króna hagræðingarkröfu til málaflokksins.

Afleiðing þeirrar ráðstöfunar var að ekki er til nægjanlegt fjármagn afgangis til að mæta umsóknum um viðbótarframlag vegna kostnaðar við afleysingu vegna langtímaveikinda tónlistarkennara starfsárið 2023-24. Fjárhagsáætlun vegna ársins 2025 hefur ekki verið samþykkt.

Að mati skóla- og frístundasviðs þarf að fara fram endurskoðun á fyrirkomulaginu á komandi skólaári. Er því lagt til að gerður verði fyrirvari vegna umsókna tónlistarskóla um aukaframlag vegna viðbótarlaunakostnaðar skóla við afleysingu vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, sjá



nánar í gr. 2.11 í samningi við tónlistarskóla sem byggir á gr. 5.11 í reglum um þjónustusamninga Reykjavíkurborgar við tónlistarskóla. Gerð er krafa um að áður en tekin er ákvörðun um afleysingu verði haft samráð við skóla- og frístundasvið. Áskilinn er réttur til að synja umsóknum um aukframlag hafi ekki verið leitað afstöðu skóla- og frístundasviðs áður en til ráðningar kemur.

### *Beiðnir um aukið kennslumagn og aukið framlag*

Tónlistarskólinn í Grafarvogi óskaði eftir að samningar taki mið af fjármagni og fjölda kennslustunda til samræmis við samning fyrir fjárhagslega hagræðingu og breytingar á aldursviðmiðum árið 2023.

Tónskóli Sigurveins D. Kristinssonar hefur óskað eftir að næstu samningar taki mið af fjármagni og fjölda kennslustunda til samræmis við fjölda kennslustunda skólaárið 2021- 2022 – eða fyrir hagræðingu 2023.

Tónskóli Hörpunnar hefur óskað eftir því að skerðing síðastliðins árs verði endurskoðuð og að upphæð þjónustusamning við þau verði hækkuð í samræmi við aðra skóla, nemendafjölda og kennslumagn.

Allegro Suzukitónlistarskólinn hefur óskað eftir auknu fjárframlagi sem nemur 1,81 stöðugildi í þrepum næstu þrjú ár vegna nemenda búsettum í Reykjavík.

Ekki er gert ráð fyrir því í fjárhagsáætlun að kennslumagn verði aukið og er því lagt til að beiðnum um aukið kennslumagn verði hafnað.

### *Um samninga tónlistarskóla vegna efri stiga tónlistarnáms*

Sveitarfélögum sem ekki reka sjálf tónlistarskóla ber samkvæmt reglum Jöfnunarsjóðs, vegna kennslu á efri stigum tónlistarnáms, að gera samninga við þá aðila sem fá fjármagn vegna verkefnisins. Gerðir eru árlegir samningar sem byggja á áætlun Jöfnunarsjóðs um framlag til sveitarfélagsins.

Alls var kennt á efri stigum tónlistarnáms í 15 tónlistarskólum í Reykjavík á yfirstandandi skólaári. Það er þó í mjög mismiklum mæli. Þrír tónlistarskólar kenna um 70% af kennslumagninu í borginni á þessum námsstigum. Dreifing fjármagns byggir á fjölda kenndra stunda á ný liðnu skólaári. Í samningum hverju sinni er getið um lágmarkskennslumagn á skólaárinu sem byggt er á ákvörðunum Jöfnunarsjóðs.

Mennta- og barnamálaráðherra, innviðarráðherra og Samband íslenskra sveitarfélaga f.h. sveitarfélaga hafa undirritað samkomulag um stuðning við tónlistarnám og jöfnun á aðstöðumun nemenda til tónlistarnáms, dags. 29. mars 2022. Samkomulagið gildir frá 1. janúar 2022 til 31. desember 2024. Þar sem samkomulagið fellur úr gildi um mitt tímabil samningsins er gerður fyrirvari um endurnýjun þess.

### *Skilyrði framlengingar samninga vegna neðri stiga og endurnýjunar vegna efri stiga*

Í reglum Reykjavíkurborgar um þjónustusamninga við tónlistarskóla og í samningum við tónlistarskólana eru sett fram ýmis skilyrði er varða nýtingu fjármagns, upplýsingagjöf og fleira.

Gerður er fyrirvari um að tónlistarskólarnir uppfylli skilyrði reglna Reykjavíkurborgar um þjónustusamninga við tónlistarskóla og samningsbundnar skyldur þeirra samkvæmt núgildandi samningum.

### *Fjárhagsleg áhrif*



Hvað varðar tónlistarnám á neðri stigum eru áætlaðar heildargreiðslur til 17 tónlistarskóla vegna umsamins kennslumagns í samningum vegna neðri stiga kr. 1.188.766.980,- á samningstímabilinu 1. ágúst 2024 til 31. júlí 2025. Tekið er fram að yfirlit yfir samningsaðila vegna neðri stiga í fskj. 1 er birt með fyrirvara um endanlega útreikninga.

Gert er ráð fyrir framangreindu fjármagni vegna neðri stiga í fjárhagsáætlun skóla- og frístundasviðs fyrir árið 2024.

Leiði breytingar kjarasamninga til aukinna útgjalda er hækkun fjárframlags háð samþykktum breytingum á fjárhagsáætlun Reykjavíkurborgar.

Þegar kemur að tónlistarnámi á efri stigum er það hlutverk Reykjavíkurborgar að miðla framlagi Jöfnunarsjóðs í samræmi við reglur sjóðsins og gera samninga við þá aðila sem falla undir samkomulag um eflingu tónlistarnáms. Samningar vegna framlagsins hafa því ekki útgjaldaáhrif á fjárhagsáætlun skóla- og frístundasviðs.

Fyrir liggur minnisblað skrifstofu fjármálaþjónustu og ráðgjafar, dags. 18. júní 2024, þar sem fram kemur að það sé mat skrifstofunnar að samningar við sjálfstætt starfandi tónlistarskóla séu ekki þjónustusamningar í skilningi EES – samningsins og laga um opinber innkaup og þeir séu því ekki útboðsskyldir. Þá séu samningarnir gerðir í almannabágu og varða samfélagslegar, menningarlegar og menntunarlegar skyldur sveitarfélaga sem byggja á öðrum lögum en lögum um opinber innkaup, þ.e. lögum nr. 75/1985.

Fyrir liggur umsögn fjármála- og áhættustýringar, dags. 12. ágúst 2024.



## Fylgiskjal 1

Yfirlit yfir kennslumagn skv. ráðgerðum viðauka við samninga við tónlistarskóla vegna neðri stiga tónlistarskólanáms frá 1. ágúst 2024 til 31. júlí 2025, með fyrirvara um endanlega útreikninga.

Tónlistarskólar	Kennitala	Á ári	Ág. til des.	Jan. til júl.	Stundir	Pr. stund
Samtök um Allegro Suzukitónlistarskóla	640998-2029	38.005.548	15.835.645	22.169.903	2.125	17.885
Nýi tónlistarskólinn	420179-0229	78.640.572	32.766.905	45.873.667	4.829	16.285
Píanóskóli Þorsteins Gauta	440500-2650	30.569.124	12.737.135	17.831.989	2.076	14.725
Suzukitónlistarskólinn í Reykjavík	570588-1689	86.396.280	35.998.450	50.397.830	4.976	17.363
Söngskólinn Domus Vox	530314-1620	16.125.072	6.718.780	9.406.292	1.102	14.633
Söngskóli Sigurðar Demetz	620217-0420	30.625.620	12.760.675	17.864.945	1.777	17.234
Söngskólinn í Reykjavík	570474-0739	28.794.840	11.997.850	16.796.990	1.738	16.568
Tónlistarskóli FH	490680-0129	74.716.392	31.131.830	43.584.562	4.705	15.880
Tónlistarskólinn í Grafarvogi	710111-1890	106.051.824	44.188.260	61.863.564	6.254	16.957
Tónskóli Eddu Borg	620202-3630	66.101.688	27.542.370	38.559.318	4.271	15.477
Tónskóli Sigursveins D. Kristinssonar	660269-0619	240.972.108	100.405.045	140.567.063	14.032	17.173
Tónskólinn Do Re Mi	590794-2369	81.624.504	34.010.210	47.614.294	4.849	16.833
Gítarskóli Íslands	560102-4450	33.657.480	14.023.950	19.633.530	2.191	15.362
Tónlistarskóli Árbæjar	540699-2329	90.317.220	37.632.175	52.685.045	5.659	15.960
Tónmenntaskóli Reykjavíkur	510478-0299	116.953.116	48.730.465	68.222.651	7.268	16.092
Tónlistarfélagið Strengir	430899-2019	35.778.996	14.907.915	20.871.081	2.328	15.369
Tónstofa Valgerðar	481101-2040	33.436.596	13.931.915	19.504.681	1.767	18.923
ALLS		1.188.766.980	495.319.575	693.447.405	71.947	16.523

## Fylgiskjal 2

Endaleg gögn hafa ekki borist frá Jöfnunarsjóði varðandi efri stig í tónlistarnámi. Sambærilegri aðferðafræði verður beitt, eins og á liðnum árum, þegar þau gögn berast. Samkvæmt fyrirbyggjandi upplýsingum verður hlutur tónlistarskóla í Reykjavík kr. 355.019.703,- .

Tónlistarskólar sem kenna á efri stigum tónlistarnáms og hafa samning um fjárframlög úr Jöfnunarsjóði:

Tónlistarskólar	Kennitala
Nýi tónlistarskólinn	420179-0229
Píanóskóli Þorsteins Gauta ehf.	440200-2650
Samtök um Allegri Suzukitónlist	640998-2029
Suzukitónlistarskólinn í Reykjavík	570588-1689
Söngskóli Sigurðar Demetz	620217-0420
Söngskólinn Domus Vox ehf.	530314-1620
Söngskólinn í Reykjavík	570474-0739
Tónlistarfélagið Strengir ehf.	430899-2019
Tónlistarskóli Árbæjar	540699-2329
Tónlistarskóli F.Í.H	490680-0129
Tónlistarskólinn í Grafarvogi	710111-1890
Tónskóli Eddu Borg ehf.	620202-3630
Tónskóli Sigursv D. Kristinss	660269-0619
Tónskóli Þjóðkirkjunnar	660269-1349
Tónskólinn Do-Re-Mi	590794-2369





## Viðauki við þjónustusamning við tónlistarskóla vegna neðri stiga tónlistarnáms

Reykjavíkurborg vegna skóla- og frístundasviðs Reykjavíkurborgar, kt. 530269-7609 annars vegar og [Nafn tónlistarskóla] [kt. ] hins vegar, hér eftir tónlistarskólinn, gera með sér svofelldan viðauka við þjónustusamning sömu aðila [dagsetning samnings] auk viðauka sem við hann var gerður [dagsetning samnings]:

### 1. gr.

#### Forsendur viðauka

- 1.1. Þjónustusamningur aðila, [dagsetning samnings og viðauka ] og reglur um þjónustusamninga Reykjavíkurborgar, með síðari breytingum, við tónlistarskóla eru órjúfanlegur hluti viðauka þessa.

### 2. gr.

#### Breytingar á samningnum og framlenging

- 2.1 Reykjavíkurborg tekur ákvörðun um árlegt heildarfjármagn til tónlistarskóla vegna náms á neðri stigum tónlistarnáms og er gildistími samnings aðila [dagsetning samnings og viðauka] framlengdur frá 1. ágúst 2024 til 31. júlí 2025 með eftirfarandi breytingum:

- a) Gr. 2.1 samnings aðila verður svohljóðandi:  
Reykjavíkurborg tekur ákvörðun um árlegt heildarframlag til tónlistarskóla vegna náms á neðri stigum tónlistarnáms og er framlag Reykjavíkurborgar til tónlistarskólans [Fjárhæð] kr. á samningstímanum 1. ágúst 2024 til 31. júlí 2025.
- b) Gr. 2.2 samnings aðila er svohljóðandi:  
Bein fjárframlög Reykjavíkurborgar til tónlistarskólans eru einungis vegna nemenda á átjándá ári (18 ) og yngri vegna fornáms, grunnnáms og náms á miðstigi í hljóðfærleik og vegna nemenda í fornámi og grunnámi í söng á tuttugasta og sjötta ári ( 26 ) og yngri (neðri stig tónlistarnáms). Auk þess sem það er skilyrði að nemendur séu með lögheimili í Reykjavík og falli utan samkomulags ríkis og sveitarfélaga frá 29. mars 2022, um stuðning við tónlistarnám og jöfnun á aðstöðumun nemenda. Á meðan framangreint samkomulag er í gildi leggur Reykjavíkurborg ekki til fé til tónlistarskóla umfram framlag ríkisins vegna þeirra nemenda sem falla undir samkomulagið. Verði samkomulagið hvorki framlengt né endurskoðað að gildistíma liðnum mun Reykjavíkurborg taka afstöðu til þess hvort gera eigi þjónustusamninga við tónlistarskóla um framlög vegna þeirra nemenda sem féllu undir samkomulagið og þá aðeins vegna nemenda með lögheimili í Reykjavík.

[Vegna sérstöðu Tónstofu Valgerðar hvað varðar tónlistarnám fullorðins fólks með staðfesta fötlunargreiningu gilda, vegna skólaársins 2024 til 2025, ekki framangreind aldursviðmið reglna um þjónustusamninga Reykjavíkurborgar við tónlistarskóla sem tóku gildi þann 29. júní 2023.]

- c) Gr. 2.5 samnings aðila verður svohljóðandi:  
Gerður er fyrirvari um að framlag sem greiðist á árinu 2025 er með fyrirvara um árlegan fjárhagsramma skóla- og frístundasviðs Reykjavíkurborgar og getur lækkað verði fjárhagsrammi sviðsins skertur.
- d) Gr. 2.11 – við bætist eftirfarandi:



Gerður er fyrirvari vegna umsókna tónlistarskóla um aukaframlag vegna viðbótarlaunakostnaðar skóla við afleysingu vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, sjá nánar í gr. 2.11 í samningi við tónlistarskóla, samanber jafnframt gr. 5.11 í reglum um þjónustusamninga Reykjavíkurborgar við tónlistarskóla. Gerð er krafa um að áður en tekin er ákvörðun um afleysingu verði haft samráð við skóla- og frístundasvið. Áskilinn er réttur til að synja umsóknum um aukaframlag hafi ekki verið leitað afstöðu skóla- og frístundasviðs áður en til ráðningar kemur.

- e) Gr. 3.4 samnings aðila verður svohljóðandi:  
Tónlistarskólinn kennir að lágmarki [fjöldi stunda] nemendastundir á ári fyrir árlegt framlag á samningstímanum.
- f) Gr. 4.1 samnings aðila verður svohljóðandi:  
Umsækjendur um nám í tónlistarskóla sækja um það hjá þeim tónlistarskóla sem þeir óska eftir að sækja. Umsókn og innritun er á ábyrgð viðkomandi tónlistarskóla. Reykjavíkurborg áskilur sér rétt til að afla upplýsinga frá tónlistarskólanum um umsækjendur, stöðu á biðlista og skráða nemendur með lögheimili í Reykjavík sem greitt er fjárframlag vegna.
- g) Gr. 5.2 breytist með þeim hætti að við hana bætist eftirfarandi:  
Auk þess upplýsingar um um áætlaðan nemendafjölda, fjölda umsókna, stöðu á biðlista og upplýsingar um nöfn og kennitölur nemenda með lögheimili í Reykjavík og nám þeirra.

### 3. gr. Gildistími samnings

- 3.1 Gr. 7.1 samnings aðila verður svohljóðandi:  
Samningur þessi gildir fyrir tímabilið 1. ágúst 2024 til og með 31. júlí 2025.

### 4. gr. Varnarþing, undirritun ofl.

- 4.1 Viðauki þessi telst vera hluti framangreinds samnings aðila frá [dags. samnings og síðari viðauka] og gilda sömu ákvæði um uppsögn og endurskoðun samningsins. Að því leyti sem ákvæði þessa viðauka og gildandi samnings og síðari viðauka kunna að teljast ósamrýmaleg gilda ákvæði þessa viðauka.
- 4.2 Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir héraðsdómi Reykjavíkur.
- 4.3 [Viðaukasamningur þessi er gerður í tveimur(2) samhljóða eintökum og heldur hvor aðili sínu eintaki. Öllu framgreindu til staðfestu rita til þess bærir fyrirvarsmenn/fulltrúar aðila nöfn sín hér í undir í votta viðurvist.]

[Samningur þessi er undirritaður með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni. Með undirritun ábyrgjast viðkomandi einstaklingar jafnframt að þeir hafi umboð til að skuldbinda aðila, með þeim hætti sem samningurinn gerir ráð fyrir]



Reykjavík,

\_\_\_\_\_  
F.h. Reykjavíkurborgar  
vegna skóla- og frístundasviðs Reykjavíkurborgar.

\_\_\_\_\_  
F.h. Nafn tónlistarskólans

Vottar að dags. og undirskriftum:

\_\_\_\_\_  
Nafn og kennitala

\_\_\_\_\_  
Nafn og kennitala

Fylgiskjal viðaukans:

Reglur Reykjavíkurborgar um þjónustusamning við tónlistarskóla, með síðari breytingum. Síðustu breytingar reglnanna voru samþykktar í borgarráði þann [dags.] 2024.

DRÖG

## ÞJÓNUSTUSAMNINGUR VIÐ TÓNLISTARSKÓLA VEGNA EFRI STIGA TÓNLISTARNÁMS

Reykjavíkurborg vegna skóla- og fristundasviðs Reykjavíkurborgar, kt. 530269-7609 annars vegar og [Nafn skóla, kennitala skóla] hins vegar, hér eftir tónlistarskólinn, gera með sér svofelldan samning í samræmi við reglur um þjónustusamninga Reykjavíkurborgar við tónlistarskóla, samþykktar í borgarráði þann 9. febrúar 2017, með síðari breytingum, samkomulag um stuðning við tónlistarnám og jöfnun á aðstöðumun til tónlistarnáms, dags. 29. mars 2022 og reglur Jöfnunarsjóðs sveitarfélaga um framlögin, dags. 31. ágúst 2016, sem fylgja sem viðhengi við samning þennan og eru órjúfanlegur hluti hans:

### 1. gr.

#### Markmið

- 1.1. Markmið samningsaðila er að styrkja og efla tónlistarskólanám í Reykjavík.

### 2. gr.

#### Fjárframlög

- 2.1. Reykjavíkurborg miðlar framlagi Jöfnunarsjóðs sveitarfélaga vegna náms á efri stigum tónlistarnáms og er framlag Jöfnunarsjóðs til tónlistarskólans [ fjárhæð ] kr. á samningstímanum 1. september 2024~~3~~ til 31. ágúst 2025~~4~~.
- 2.2. Fjárframlög sem Reykjavíkurborg miðlar frá Jöfnunarsjóði sveitarfélaga eru vegna nemenda, óháð lögheimili þeirra, sem stunda nám í söng á miðstigi, framhaldsstigi og viðbótarnám eftir framhaldsstig og sem stunda nám í hljóðfæraraleik á framhaldsstigi og viðbótarnám eftir framhaldsstig (efri stig tónlistarnáms), og greitt er vegna á grundvelli samkomulags, dags. 29. mars 2022, um stuðning við tónlistarnám og jöfnun á aðstöðumun nemenda til tónlistarnáms og reglna Jöfnunarsjóðs um framlögin, dags. 31. ágúst 2016.
- 2.3. Tónlistarskólinn nýtir árlegt framlag til greiðslu kennslu- og stjórnunarkostnaðar í samræmi við þann fjölda nemendastunda sem tilgreindur er í samningi þessum og tónlistarskólinn telur sig að lágmarki geta kennt m.v. heildarframlag.  
Árlegt framlag breytist í samræmi við ákvæði 2. gr. samkomulags um stuðning við tónlistarnám og jöfnun á aðstöðumun nemenda til tónlistarnáms, dags. 29. mars 2022. Gerður er fyrirvari um að framangreint sem fellur úr gildi þann 31. desember 2024, verði framlengt eða endurnýjað. Reykjavíkurborg tekur við hækkuðum greiðslum frá Jöfnunarsjóði sveitarfélaga og reiknar upp framlög til tónlistarskólans.
- 2.4. Gerður er fyrirvari um að miðað er við greitt framlag Jöfnunarsjóðs sveitarfélaga til Reykjavíkurborgar og getur framlagið lækkað verði fjármagn frá Jöfnunarsjóði skert.
- 2.5. Tónlistarskólinn skal innheimta skólagjöld. Skólagjöldum er ætlað að standa undir öðrum kostnaði við skólareksturinn en launakostnaði kennara og skólastjóra, að svo miklu leyti sem rekstrarkostnaðurinn er ekki borinn af styrktarmeðlimum eða annarri fjáröflun.
- 2.6. Tónlistarskólinn ber ábyrgð á að kennsla og önnur starfsemi hans sé í samræmi við þjónustusamning þennan. Skilyrði þess að tónlistarskóli fái fjárframlag Jöfnunarsjóðs sveitarfélaga frá Reykjavíkurborg er að hann starfi að fullu samkvæmt reglum um þjónustusamninga Reykjavíkurborgar við tónlistarskóla, samkomulagi um stuðning við tónlistarnám og jöfnun á aðstöðumun nemenda

Formatted: Indent: First line: 0 cm

til tónlistarnáms, dags. 29. mars 2022 og reglum Jöfnunarsjóðs um framlögin, dags. 31. ágúst 2016.

- 2.7 Tónlistarskólanum ber að fara eftir kjarasamningum sem Samband íslenskra sveitarfélaga gerir við stéttarfélög tónlistarskólakennara á hverjum tíma. Í þessu felst meðal annars að tónlistarskólanum ber að tryggja að mat á menntun og reynslu tónlistarkennara sé í samræmi við ákvæði kjarasamninga.
- 2.8 Tónlistarskóli sem greiðir fleiri stjórnunarstundir en kjarasamningar kveða á um þarf að skila frávikagreiningu til Reykjavíkurborgar en óheimilt er að nota framlög samkvæmt þjónustusamningnum til greiðslu slíks kostnaðar.
- 2.9 Skilyrði fyrir nýtingu framlags vegna tölvunotkunar tónlistarkennara við kennslu er að fyrir liggja skrifleg beiðni tónlistarskóla um að tónlistarkennari leggi sjálfur til tölvu. Að öðru leyti fer um nýtingu framlags vegna tölvunotkunar tónlistarkennara samkvæmt ákvæðum kjarasamninga. Tónlistarskólinn skal skila í árlegri greinargerð samkvæmt gr. 5.5 í þjónustusamningi þessum, yfirliti yfir notkun tölvu í eigu tónlistarkennara sem greitt er fyrir.
- 2.10 Tónlistarskólanum er heimilt að sækja sérstaklega um aukaframlag vegna viðbótarlaunakostnaðar skólans við afleysingar vegna langtímaforfalla tónlistarkennara, sem ekki hafa náð 70 ára aldri, að loknum samfelldum eins mánaðar forföllum tiltekins kennara, sem staðfest eru með læknisvottorði, og að því gefnu að kennarinn eigi rétt á greiðslu launa í veikindum sínum, til samræmis við gr. 5.11 í reglum um þjónustusamninga Reykjavíkurborgar við tónlistarskóla. Gerð er krafa um að áður en tekin er ákvörðun um afleysingu verði haft samráð við skóla- og frístundasvið. Áskilinn er réttur til að synja umsókn um aukaframlag hafi ekki verið leitað afstöðu skóla- og frístundasviðs áður en til ráðningar kemur.
- 2.11 Framlag skv. gr. 2.1. greiðist með jöfnum mánaðarlegum greiðslum og skal greitt út síðasta virka dag hvers mánaðar (eftirá).

### 3. gr.

#### Kennsla og kennslumagn á grundvelli framlags

- 3.1 Kennslumagn á samningstímanum er ákvarðað á grundvelli upplýsinga frá tónlistarskólanum til skóla- og frístundasviðs Reykjavíkurborgar og Jöfnunarsjóðs sveitarfélaga um kennslumagn frá fyrra ári sem var [fjöldi stunda] að teknu tilliti til útreikninga Jöfnunarsjóðs á grundvelli reglna hans.
- 3.2 Tónlistarskólinn kennir að lágmarki [fjöldi stunda] nemendastundir fyrir framlag Jöfnunarsjóðs sveitarfélaga á samningstímanum.
- 3.3 Fjármagn skal að fullu notað til greiðslu kennslu- og stjórnunarkostnaðar og að lágmarki vegna nemendastunda skv. gr. 3.2 í samningi þessum vegna náms á efri stigum tónlistarnáms.
- 3.4 Tónlistarskólinn skal fylgja reglum Jöfnunarsjóðs sveitarfélaga um kennslu og nýtingu kennslumagns og reglum um þjónustusamninga Reykjavíkurborgar við tónlistarskóla þegar reglum Jöfnunarsjóðs sleppir.
- 3.5 Tónlistarskólanum er óheimilt að mismuna nemendum eftir búsetu við inntöku nemenda vegna náms á efri stigum tónlistarnáms.
- 3.6 Framlög Jöfnunarsjóðs sveitarfélaga fyrir komandi skólaár miða við kennslumagn nýliðins skólaárs. Tónlistarskólinn skal skila upplýsingum um kennslu og nýtingu kennslumagns á yfirstandandi skólaári til skóla- og frístundasviðs Reykjavíkurborgar á viðeigandi eyðublaði fyrir 1. mars ár hvert.
- 3.7 Samkvæmt reglum Jöfnunarsjóðs sveitarfélaga er einungis heimilt að telja með kennslumagn vegna náms á miðstigi í söng hafi viðkomandi nemandi lokið að

- fullu námi í söng á grunnstigi. Þá má aðeins telja með kennslumagn vegna sama nemanda á miðstigi í söng í fjögur ár samanlagt.
- 3.8** Samkvæmt reglum Jöfnunarsjóðs sveitarfélaga er einungis heimilt að telja með kennslumagn vegna náms á framhaldsstigi í söng eða hljóðfæraleik hafi nemandi lokið að fullu námi á miðstigi. Þá má aðeins telja með kennslumagn vegna sama nemanda á framhaldsstigi í söng eða hljóðfæraleik í fimm ár samanlagt. Tónlistarskólum ber að afla upplýsinga um námsferil nemenda.
- 3.9** Samkvæmt reglum Jöfnunarsjóðs sveitarfélaga er einungis heimilt að telja með kennslumagn vegna viðbótarnáms eftir framhaldsstig í söng eða hljóðfæraleik hafi nemandi lokið námi á framhaldsstigi að fullu. Þá má aðeins telja með kennslumagn vegna sama nemanda í viðbótarnámi eftir framhaldsstig í tvö ár samanlagt.
- 3.10** Tónlistarskólinn upplýsir í starfsáætlun skóla- og frístundasvið Reykjavíkurborgar um hversu margar nemendastundir hann getur kennt að lágmarki fyrir áætlað framlag Jöfnunarsjóðs sveitarfélaga sem Reykjavíkurborg miðlar.
- 3.11** Tónlistarskólinn ábyrgist að kennsla þeirra nemenda, sem innritaðir eru í skólann, sé í samræmi við lög og reglugerðir og önnur stjórnvaldsfyrirmæli sem áhrif kunna að hafa á rekstur tónlistarskóla. Aðalnámskrá tónlistarskóla skal ávallt liggja til grundvallar náminu, en skólanum er heimilt að leggja áherslu á afmarkaða þætti aðalnámskrárinnar í þeim tilgangi að auka fjölbreytni í tónlistarskólasterfinu og mæta áhuga nemenda.
- 3.12** Nemendur skulu fá kennslu að lágmarki í samræmi við lög um fjárhagslegan stuðning við tónlistarskóla nr. 75/1985, aðalnámskrá tónlistarskóla, sbr. auglýsingu nr. 529/2000 og reglur um þjónustusamninga Reykjavíkurborgar við tónlistarskóla.
- 3.13** Tónlistarskólanum er heimilt að ráðstafa fleiri nemendastundum en fram kemur í grein 3.2 í samningi þessum en aukin þjónusta skólans hefur ekki áhrif á fjárhæð framlags samningsins, sbr. gr. 2.1 samningsins
- 3.14** Sjái tónlistarskólinn sér ekki fært að uppfylla skilyrði um kennsluskyldu eða þjónustu miðað við forsendur þær er fram koma í samningi þessum skal skólinn tilkynna skóla- og frístundasviði Reykjavíkurborgar það svo fljótt sem verða má. Skóla- og frístundasvið Reykjavíkurborgar mun þá endurskoða fjárhæð framlags og lækka framlagið í samræmi við breyttar forsendur.

#### 4. gr.

##### Umsókn og innritun í tónlistarskóla

- 4.1** Umsækjendur um nám í tónlistarskóla sækja um það hjá þeim tónlistarskóla sem þeir óska eftir að sækja. Umsókn og innritun er á ábyrgð viðkomandi tónlistarskóla. Reykjavíkurborg áskilur sér rétt til að afla upplýsinga frá tónlistarskólanum um umsækjendur, stöðu á biðlista og skráða nemendur með lögheimili í Reykjavík sem greitt er fjárframlag vegna.
- 4.2** Tónlistarskólinn skal setja sér inntökureglur og birta á heimasíðu sinni. Tónlistarskólinn skal gæta jafnræðis við inntöku nemenda og skulu aðferðir skólans við mat á umsækjendum vera gagnsæjar og aðgengilegar almenningi á heimasíðu skólans. Kostnaður vegna námsins skal tilgreindur með skýrum og aðgengilegum hætti og vera umsækjendum um nám ljós áður en þeir senda inn umsókn sína.

#### 5. gr.

##### Upplýsingagjöf og eftirlit skóla- og frístundasviðs

DRÖG

- 5.1 Tónlistarskólinn skilar starfsáætlun eigi síðar en 1. júlí ár hvert samkvæmt leiðbeiningum skóla- og frístundasviðs Reykjavíkurborgar til samræmis við gr. 12.1 í reglum um þjónustusamninga við tónlistarskóla.
- 5.2 Tónlistarskólinn afhendir að beiðni skóla- og frístundasviðs þegar eftir því er óskað yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu skóla- og frístundasviðs hverju sinni, sbr. Tónalaun eða á öðru sambærilegu formi. [Auk þess upplýsingar um áætlaðan nemendafjölda, fjölda umsókna, stöðu á biðlista og upplýsingar um nöfn og kennitölur nemenda með lögheimili í Reykjavík og nám þeirra.](#)
- 5.3 Skóla- og frístundasviði Reykjavíkurborgar er heimilt að krefja tónlistarskóla um fjárhagsáætlun fyrir tiltekið tímabil samkvæmt leiðbeiningum Reykjavíkurborgar. Með fjárhagsáætlun skal fylgja yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu Reykjavíkurborgar hverju sinni.
- 5.4 Tónlistarskólinn sendir skóla- og frístundasviði Reykjavíkurborgar endurskoðaðan ársreikning um liðið fjárhagsár sem gerður er í samræmi við lög nr. 3/2006 um ársreikninga og góða reikningskilavenju auk skýrslu stjórnar fyrir 1. febrúar ár hvert. Ársreikningur skal gerður á grundvelli skólaársins frá 1. ágúst til 31. júlí Reikningar skulu áritaðir af framkvæmdastjóra (skólastjóra), stjórn félagsins (skólanefnd) og endurskoðendum. Í ársreikningi skulu tekjur af skólagjöldum vegna nemenda á neðri og efri stigum tónlistarnáms sundurgreindar í skýringum þegar við á. Jafnframt skal sundurgreina launakostnað vegna kennslu og stjórnunar sérstaklega vegna neðri og efri stiga tónlistarnáms þegar við á. Sama gildir um aukaframlag vegna langtíma forfalla tónlistarkennara vegna veikinda eða slysa.
- 5.5 Tónlistarskólinn skilar greinargerð til skóla- og frístundasviðs Reykjavíkurborgar um starfsemi síðasta skólaárs [samkvæmt leiðbeiningum skóla- og frístundasviðs Reykjavíkurborgar](#) fyrir 1. júlí ár hvert. Í greinargerð komi fram upplýsingar um starfsemi skólans, s.s. fjölda nemenda, fjölda nemenda á biðlista, fjölda kenndra nemendastunda, fjölda kennara og stöðugilda, innritunarreglur og innritunarviðmið, fjölda áfangaprófa, yfirlit yfir eigin tölvunotkun tónlistarkennara, yfirlit yfir tónleika, nýjungar í skólastarfi, upplýsingar um skólagjöld við skólann á mismunandi námsstigum auk afslátta ef um slíkt er að ræða og annað það sem skólar vilja taka fram eða Reykjavíkurborg óskar eftir.
- 5.6 Tónlistarskólanum er einnig skylt að veita skóla- og frístundasviði Reykjavíkurborgar allar aðrar upplýsingar um starfsemi og fjárhag skólans og allar þær upplýsingar sem nauðsynlegar kunna að vera vegna rannsókna eða úttekta sem skóla- og frístundasvið kann að framkvæma eða láta framkvæma og varða tónlistarfræðslu í Reykjavík.

## 6. gr. Vanefndir og leiðréttingar

DRÖG

- 6.1 Komi til vanefnda á þjónustusamningi þessum er heimilt að grípa til hefðbundinna vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.
- 6.2 Komi í ljós að skóla- og frístundasvið Reykjavíkurborgar hafi ofgreitt framlag til tónlistarskóla af einhverjum ástæðum, t.d. vegna rangra upplýsinga eða mistaka mun skóla- og frístundasvið lækka framlag til skólans við næstu greiðslu sem því nemur eða krefjast endurgreiðslu. Tónlistarskólinn getur óskað eftir því að endurgreiðslu verði dreift á þrjá mánuði.

### 7. gr.

#### Gildistími og áskilnaður um rekstrarhæfi

- 7.1. Samningur þessi gildir til fyrir tímabilið 1. september 202~~4~~<sup>3</sup> til og með 31. ágúst 202~~5~~<sup>4</sup>.
- 7.2. Óski annar hvor aðilinn eftir því að segja samningnum upp fyrir er gagnkvæmur uppsagnarfrestur þrjú mánuðir og miðast við mánaðamót. Tilkynning um uppsögn skal vera skrifleg og afhent með sannanlegum hætti.
- 7.3. Reykjavíkurborg áskilur sér rétt til að ganga úr skugga um rekstrarhæfi tónlistarskóla áður en þjónustusamningur er gerður við skólann og hvenær sem er eftir að slíkur samningur hefur verið gerður ef málefnalegar ástæður eru fyrir hendi. Ef vafi leikur á um rekstrarhæfi tónlistarskóla er Reykjavíkurborg heimilt að hafna samningsgerð við skólann eða eftir atvikum að segja upp gildandi samningi. Til samræmis við lög um ársreikninga nr. 3/2006 skal koma fram í skýrslu stjórnar með ársreikningi ef vafi leikur á um rekstrarhæfi tónlistarskólans.

### 8. gr.

#### Þagmælska starfsfólks og meðferð stjórnáslumála

- 8.1 Starfsfólk tónlistarskóla skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.
- 8.2 Tónlistarskólinn skal fylgja ákvæðum stjórnáslulaga við töku ákvarðana er varða réttindi og skyldur nemenda í tónlistarskólanum.

### 9. gr.

#### Fyrirvari vegna breytinga á lögum

- 9.1. Verði gerð breyting á lögum nr. 75/1985 um fjárhagslegan stuðning við tónlistarskóla, samkomulagi um stuðning við tónlistarnám og jöfnun á aðstöðumun nemenda til tónlistarnáms, dags. 29. mars 2022 eða reglum Jöfnunarsjóðs sveitarfélaga um framlögin, dags. 31. ágúst 2016 er gerður almennur fyrirvari við samning þennan, ef breytingarnar kalla á endurskoðun á einstökum ákvæðum samnings þessa.

### 10. gr.

#### Force Majeure.

- 10.1. Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka,



DRÖG

náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

**11. gr.**

**Fjárhagsleg ábyrgð og framsal**

- 11.1.** Reykjavíkurborg ber hvorki lagalega né fjárhagslega ábyrgð á rekstri tónlistarskólans.
- 11.2** Samningsaðila er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

**12. gr.**

**Varnarþing**

- 12.1** Komi til þess að mál verði höfðað vegna ágreinings um samning þennan skal það rekið fyrir Héraðsdómi Reykjavíkur.

**13. gr.**

**Undirritun**

- 13.1.** Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrisvarsmenn/fulltrúar aðila nöfn sín hér undir í votta viðurvist.

Reykjavík XXXX 2024~~3~~

\_\_\_\_\_  
F.h. Reykjavíkurborgar  
vegna skóla- og frístundasviðs Reykjavíkurborgar

\_\_\_\_\_  
F.h. tónlistarskólans

Vottar að dags. og undirskriftum:

\_\_\_\_\_ kt \_\_\_\_\_

\_\_\_\_\_ kt \_\_\_\_\_

Viðauki I

Reglur um þjónustusamninga Reykjavíkurborgar við tónlistarskóla, samþykktar í borgarráði þann 9. febrúar 2017, með síðari breytingum.  
Samkomulag um stuðning við tónlistarnám og jöfnun á aðstöðumun nemenda til tónlistarnáms, dags. 29. mars 2022.

DRÖG

Reglur Jöfnunarsjóðs sveitarfélaga um framlögin, dags. 31. ágúst 2016.



## Reglur um þjónustusamninga Reykjavíkurborgar við tónlistarskóla

### 1. gr. Gildissvið

Reglur þessar gilda um:

- 1.1 Þjónustusamninga, sem Reykjavíkurborgar gerir við tónlistarskóla í Reykjavík vegna nemenda með lögheimili í Reykjavík sem stunda fornám, grunnnám og miðnám á hljóðfæri og fornám og grunnnám í söng (neðri stig tónlistarnáms), sbr. lög nr. 75/1985 um fjárhagslegan stuðning við tónlistarskóla og aðalnámskrá tónlistarskóla, sbr. auglýsingu nr. 529/2000, og úthlutun fjármagns á grundvelli þeirra.
- 1.2 Þjónustusamninga, sem Reykjavíkurborg gerir við tónlistarskóla í Reykjavík vegna nemenda sem stunda nám í söng á miðstigi, framhaldsstigi og viðbótarnám eftir framhaldsstig og sem stunda nám í hljóðfæraleik á framhaldsstigi og viðbótarnám eftir framhaldsstig (efri stig tónlistarnáms), og greitt er vegna á grundvelli samkomulags, dags. 29. mars 2022, um stuðning við tónlistarnám og jöfnun á aðstöðumun nemenda til tónlistarnáms og reglna Jöfnunarsjóðs, dags. 31. ágúst 2016, um framlögin.
- 1.3 Áður en þjónustusamningur er gerður við tónlistarskóla skal eftirfarandi liggja fyrir:
  - 1.3.1 Sérstakt samþykki mennta- og menningarmálaráðuneytis sbr. lög nr. 75/1985 um fjárhagslegan stuðning við tónlistarskóla.
  - 1.3.2 Samþykktir fyrir tónlistarskóla, þar sem fram kemur rekstrarform, stjórn, og fjármögnun, undirritaðar af stjórn eða skólanefnd skólans.
  - 1.3.3 Þriggja ára fjárhagsáætlun skólans eða fjárhagsáætlun til jafn langs tíma og þjónustusamningur nær til.
  - 1.3.4 Reykjavíkurborg áskilur sér rétt til að ganga úr skugga um rekstrarhæfi tónlistarskóla áður en þjónustusamningur er gerður við skólann og hvenær sem er eftir að slíkur samningur hefur verið gerður ef málefnalegar ástæður eru fyrir hendi. Ef vafi leikur á um rekstrarhæfi tónlistarskóla er Reykjavíkurborg heimilt að hafna samningsgerð við skólann eða eftir atvikum að segja upp gildandi samningi. Til samræmis við lög um ársreikninga nr. 3/2006 skal koma fram í skýrslu stjórnar með ársreikningi ef vafi leikur á um rekstrarhæfi sbr. gr. 12.4 í reglum þessum.

### 2. gr. Skilgreiningar á hugtökum

- 2.1 Með tónlistarskóla í reglum þessum er átt við tónlistarskóla eins og hann er skilgreindur í 1. gr. laga nr. 75/1985.
- 2.2 Með neðri stigum tónlistarnáms í reglum þessum er átt við fornám, grunnnám og nám á miðstigi í hljóðfæraleik og fornám og grunnnám í söng. Fjárhagslegur stuðningur Reykjavíkurborgar er bundinn við nemendur í framangreindu námi með lögheimili í Reykjavík. Jafnframt er stuðningurinn bundinn við nemendur á átjándá ári (18) og yngri



vegna fornáms, grunnnáms og miðnáms í hljóðfæraleik og við nemendur á tuttugasta og sjötta ári (26) og yngri vegna nemenda í fornámi og grunnnámi í söng.

- 2.2 Með efri stigum tónlistarnáms í reglum þessum er átt við nám í söng á miðstigi, framhaldsstigi og viðbótarnám eftir framhaldsstig og nám í hljóðfæraleik á framhaldsstigi og viðbótarnám eftir framhaldsstig. Reykjavíkurborg leggur ekki til fjármuni vegna framangreinds náms heldur miðlar framlagi úr Jöfnunarsjóði sveitarfélaga á grundvelli samkomulags, dags. 29. mars 2022, um stuðning við tónlistarnám og jöfnun á aðstöðumun nemenda til tónlistarnáms. Ekki er gerð krafa um að nemendur hafi lögheimili í Reykjavík.
- 2.3 Með nemendastundum í reglum þessum er átt við allar kennslustundir í aðalnámsgrein, meðleik og aukánámsgreinum auk stjórnunarstunda skv. kjarasamningum, umreiknuðum yfir í kennslustundir í grunnnámi.
- 2.4 Jafngildi grunnstignemanda í fullu námi er í reglum þessum talið 38 nemendastundir á ári.
- 2.5 Þegar fjallað er um aldursviðmið, hámarksaldur nemenda, í reglum þessum er miðað við árið sem nemandi nær tilteknum aldri.

### 3. gr.

#### Markmið

- 3.1 Markmið reglna þessara er:
  - 3.1.1 Að stuðla að góðu, faglegu, vel skipulögðu og fjölbreyttu námi á neðri og efri stigum tónlistarnáms í Reykjavík.
  - 3.1.2 Að stuðla að því að hjá tónlistarskólum í Reykjavík starfi fagfólk, sem hefur menntun og hæfni til að sinna kennslu í tónlistarnámi.
  - 3.1.3 Að stuðla að því að tónlistarskólar í Reykjavík séu sýnilegt og lifandi afl í nærumhverfi sínu.

### 4. gr.

- 4.1 Í þjónustusamningi Reykjavíkurborgar við tónlistarskóla skal að minnsta kosti fjalla um fjárframlag til tónlistarskóla og kennslumagn, skilyrði framlags til tónlistarskóla, skilyrði um kennslu og kennslumagn tónlistarnáms, umsókn og innritun í tónlistarskóla, upplýsingagjöf og eftirlit, vanefndir á þjónustusamningi, leiðréttingar á fjárframlagi og samningstíma.

### 5. gr.

#### Um fjárframlag til tónlistarskóla

- 5.1 Reykjavíkurborg ber hvorki lagalega né fjárhagslega ábyrgð á rekstri þeirra tónlistarskóla sem gert hafa þjónustusamning við Reykjavíkurborg.
- 5.2 *Fjárframlag vegna nemenda á neðri stigum tónlistarnáms:* Reykjavíkurborg tekur ákvörðun um árlegt heildarfjármagn og kennslumagn til tónlistarskóla vegna náms á neðri stigum tónlistarnáms. Ekki er greitt fjárframlag í þágu kennslu nemenda eldri en



18 ára vegna fornáms, grunnnáms og miðnáms í hljóðfæraleik og ekki í þágu kennslu nemenda eldri en 26 ára vegna nemenda í fornámi og grunnnámi í söng. Heildarframlög til skólanna ráðast af árlegum fjárhagsramma skóla- og frístundasviðs Reykjavíkurborgar og geta framlög til skólanna tekið breytingum milli ára. Alla jafna er tekið tillit til gildandi úthlutunar við úthlutun fjármagns til tónlistarskóla. Þess skal getið í kynningarefni skólans að hann njóti framlaga frá Reykjavíkurborg.

**5.3** *Fjárframlag vegna nemenda á efri stigum tónlistarnáms:* Reykjavíkurborg miðlar framlagi Jöfnunarsjóðs sveitarfélaga vegna náms á efri stigum tónlistarnáms, sbr. gr. 2.3 reglna þessara. Um úthlutun, miðlun og nýtingu framlags Jöfnunarsjóðs sveitarfélaga gilda ákvæði samkomulags, dags. 29. mars 2022 um stuðning við tónlistarnám og jöfnun á aðstöðumun nemenda til tónlistarnáms og reglur Jöfnunarsjóðs, dags. 31. ágúst 2016, og ákvæði reglna þessara.

**5.4** Skóla- og frístundasvið Reykjavíkurborgar greiðir tónlistarskólum fjárframlag í samræmi við þjónustusamninga, sbr. gr. 1.1 í reglum þessum og miðlar framlagi úr Jöfnunarsjóði sveitarfélaga í samræmi við þjónustusamninga, sbr. gr. 1.2 í reglum þessum.

**5.5** *Um fjárframlag vegna nemenda á neðri og efri stigum tónlistarnáms:*

Bein fjárframlög Reykjavíkurborgar til tónlistarskóla eru einungis vegna nemenda 18 ára og yngri í fornámi, grunnnámi og námi á miðstigi í hljóðfæraleik og vegna nemenda í fornámi og grunnnámi í söng 26 ára og yngri ( vegna neðri stiga tónlistarnáms ). Auk þess sem það er skilyrði að nemendur séu með lögheimili í Reykjavík og falli utan samkomulags ríkis og sveitarfélaga frá 29. mars 2022 um stuðning við tónlistarnám og jöfnun á aðstöðumun nemenda. Á meðan framangreint samkomulag er í gildi leggur Reykjavíkurborg ekki til fé til tónlistarskóla umfram framlag ríkisins vegna þeirra nemenda sem falla undir samkomulagið. Verði samkomulagið hvorki framlengt né endurskoðað að gildistíma liðnum mun Reykjavíkurborg taka afstöðu til þess hvort gera eigi þjónustusamninga við tónlistarskóla um framlög vegna þeirra nemenda sem féllu undir samkomulagið og þá aðeins vegna nemenda með lögheimili í Reykjavík.

**5.6** Tónlistarskóli nýtir árlegt framlag til greiðslu kennslu- og stjórnunarkostnaðar í samræmi við þann fjölda nemendastunda sem tilgreindar eru í samningi við hann og skólarnir telja sig að lágmarki geta kennt m.v. heildarframlag.

**5.7** Tónlistarskólar skulu innheimta skólagjöld. Skólagjöldum er ætlað að standa undir öðrum kostnaði við skólareksturinn en launakostnaði kennara og skólastjóra, að svo miklu leyti sem rekstrarkostnaðurinn er ekki borinn af styrktarmeðlimum eða annarri fjáröflun.

**5.8** Tónlistarskólar bera ábyrgð á að kennsla og önnur starfsemi þeirra sé í samræmi við gildandi þjónustusamning. Skilyrði þess að tónlistarskóli fái fjárframlag Reykjavíkurborgar og Jöfnunarsjóðs sveitarfélaga er að hann starfi að fullu samkvæmt þessum reglum.



- 5.9** Tónlistarskólum ber að fara eftir kjarasamningum sem Samband íslenskra sveitarfélaga gerir við stéttarfélög tónlistarskólakennara á hverjum tíma, þ.m.t. ábyrgð á réttu og samræmdu mati menntunar og reynslu tónlistarkennara í samræmi við ákvæði kjarasamnings.
- 5.10** Tónlistarskóli sem greiðir fleiri stjórnunarstundir en kjarasamningar kveða á um þarf að skila frávíkagreiningu til Reykjavíkurborgar en hvorki fjármagn frá Reykjavíkurborg né Jöfnunarsjóði sveitarfélaga skal nota til greiðslu þess kostnaðar.
- 5.11** Tónlistarskóla er heimilt að sækja sérstaklega um aukaframlag vegna viðbótarlaunakostnaðar skólans við afleysingar vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans, sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum. Umsóknarfrestur um aukaframlag er til 1. júní vegna yfirstandandi skólaárs. Ekki er greitt aukaframlag vegna viðbótarlaunakostnaðar vegna lang tímaveikinda tónlistarkennara sem náð hafa 70 ára aldri.

## **6. gr.**

### **Ákvörðun um breytingu á úthlutun fjárframlags**

- 6.1** Skóla- og frístundaráð Reykjavíkurborgar gerir tillögu til borgarráðs um gerð þjónustusamnings við nýja tónlistarskóla, s.s. í nýjum hverfum, hverfum sem eru í vexti eða þegar starfandi tónlistarskóli hættir rekstri. Í þessum tilvikum skal Reykjavíkurborg auglýsa eftir aðilum sem áhuga hafa á að reka tónlistarskóla eða setja upp útibú frá starfandi skóla.
- 6.2** Ef tónlistarskóli hættir eða umtalsverð fækkun verður á kenndum stundum í tilgreindum skólum er heimilt að úthluta samsvarandi stundum til annarra skóla. Miða skal við að beina kennslumagni einkum í þau hverfi sem eru í vexti með tilliti til barnafjölda eða þar sem fá tækifæri eru til tónlistarnáms.
- 6.3** Skóla- og frístundaráð Reykjavíkurborgar getur veitt tónlistarskóla undanþágu frá lágmarksfjölda nemenda ( 150 ) eða ígildi þess ef um er að ræða borgarhluta sem skortir slíka þjónustu að mati skóla- og frístundasviðs Reykjavíkurborgar, nýjungar í starfi eða faglega þróun sem talin er þörf á að styrkja, s.s. fyrir nemendur sem þurfa sérstakan stuðning Tillögu um slíkt skal leggja fyrir skóla- og frístundaráð Reykjavíkurborgar.

## **7. gr.**

### **Skilyrði um kennslu og kennslumagn á neðri stigum tónlistarnáms**

- 7.1** Tónlistarskóli sem Reykjavíkurborg gerir þjónustusamning við skal uppfylla eftirtalin skilyrði og markmið um kennslu og kennslumagn vegna neðra stiga tónlistarnáms:
- 7.1.1** Tónlistarskóli skal leitast við að kenna hverjum nemanda í fullu námi að jafnaði eina klukkustund á viku í aðalnámsgrein, auk hliðargreina, á starfstíma tónlistarskólans samkvæmt kjarasamningi.



**7.1.2** Aðalnámskrá tónlistarskóla skal ávallt liggja til grundvallar náminu, en skólanum er heimilt að leggja áherslu á afmarkaða þætti aðalnámskrárinnar í þeim tilgangi að auka fjölbreytni í tónlistarskólalastarfinu og mæta áhuga nemenda.

**7.1.3** Fjármagn skal að fullu notað vegna kennslu- og stjórnunarkostnaðar tónlistarnáms á neðri stigum.

**7.1.4** Tónlistarskóla er heimilt að sækja um að fjárframlög úr borgarsjóði vegna samþykkt kennslumagns á neðri stigum tónlistarnáms verði nýtt með öðrum hætti en að framan greinir, en þó aðeins þannig að breytingin leiði til fjölgunar nemenda, enda fáir hverjir nemandi í fullu námi a.m.k. eina klukkustund á viku í aðalnámsgrein sinni þar sem kennsla fer fram í smærri eða stærri hópum auk hliðargreina. Skólinn skal gera grein fyrir nýtingu fjármagns á grundvelli breytts fyrirkomulags kennslu og áhrifum þess í starfsáætlun og greinargerð.

**7.1.5** Áhersla er lögð á að tónlistarskólar leiti eftir samstarfi við grunnskóla Reykjavíkurborgar um kennslu yngri nemenda á skólatíma eða í beinu framhaldi af honum. Skriflegt samþykki foreldra nemenda þarf til að taka nemendur út úr kennslutímum grunnskóla til iðkunar tónlistarnáms.

## **8. gr.**

### **Skilyrði um kennslu og kennslumagn á efri stigum tónlistarnáms**

- 8.1** Á grundvelli samkomulags ríkis við Samband íslenskra sveitarfélaga, dags. 29. mars 2022 um stuðning við tónlistarnám og jöfnun á aðstöðumun nemenda til tónlistarnáms greiðir ríkið framlag til Jöfnunarsjóðs sveitarfélaga til greiðslu kennslukostnaðar í tónlistarskólum vegna náms í hljóðfæraleik á framhaldsstigi og náms í söng á miðstigi og framhaldsstigi auk viðbótarnáms eftir framhaldsstig. Reykjavíkurborg tekur við framlagi vegna tónlistarnáms á efri stigum frá Jöfnunarsjóði, stýrir aðgengi að náminu og nýtingu kennslumagns með gerð þjónustusamninga og greiðir áfram til tónlistarskóla á grundvelli samkomulags og reglna um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda og að teknu tilliti til málefnalesgra sjónarmiða þegar þeim reglum sleppir.
- 8.2** Í þjónustusamningi við tónlistarskóla vegna kennslu á efri stigum tónlistarnáms skal tilgreina heildarframlag á skólaárinu úr Jöfnunarsjóði sveitarfélaga sem kemur í hlut skólans vegna þess kennslumagns sem fellur undir samkomulag og ríkis og Sambands íslenskra sveitarfélaga frá 29. mars 2022 og reglur Jöfnunarsjóðs um framlögin. Sömuleiðis skal tilgreina það kennslumagn sem miðað er við í útreikningi framlags, sem byggir á upplýsingum frá skólum til Reykjavíkurborgar og Jöfnunarsjóðs frá fyrra ári. Enn fremur skal tilgreina það lágmarkskennslumagn sem skólanum er ætlað að uppfylla. Fjármagn skal að fullu notað vegna kennslu- og stjórnunarkostnaðar vegna náms á efri stigum tónlistarnáms.
- 8.3** Tónlistarskóli skal fylgja reglum Jöfnunarsjóðs sveitarfélaga um kennslu og nýtingu kennslumagns og þessum reglum þegar reglum Jöfnunarsjóðs sleppir.

## **9. gr.**



## **Skilyrði um kennslu og kennslumagn á neðri og efri stigum tónlistarnáms**

- 9.1** Tónlistarskóli þarf að jafnaði að hafa a.m.k. 150 nemendur eða ígildi þess fjölda á grunnstigi, sem stunda nám til viðurkenndra áfangaprófa samkvæmt aðalnámskrá tónlistarskóla. Skóli er ekki skyldugur til að hafa 150 reykvíska nemendur, heldur einungis að hafa 150 nemendur í styrkhæfu námi að mati Reykjavíkurborgar.
- 9.2** Tónlistarskólanum er heimilt að ráðstafa fleiri nemendastundum en fram kemur í þjónustusamningi en aukin þjónusta skólans hefur ekki áhrif á fjárhæð framlags.
- 9.3** Tónlistarskóli sem velur að kenna fleiri nemendastundir en þjónustusamningur kveður á um skal gera grein fyrir því og með hvaða hætti það hefur áhrif á það kennslumagn sem hverjum nemanda býðst.
- 9.4** Skólaári skal ljúka með prófum og opinberum tónleikum.

### **10. gr.**

#### **Kaup á viðbótarþjónustu**

- 10.1** Skóla- og frístundaráð Reykjavíkurborgar getur samkvæmt nánari reglum tekið ákvörðun um og lagt til við borgarráð að keypt verði viðbótarþjónustu af ákveðnum tónlistarskólum. Rökstyðja skal slíka ákvörðun.

### **11. gr.**

#### **Umsókn og innritun í tónlistarskóla**

- 11.1** Umsækjendur um nám í tónlistarskóla sækja um það hjá þeim tónlistarskóla sem þeir óska eftir að sækja. Umsókn og innritun er á ábyrgð viðkomandi tónlistarskóla. Reykjavíkurborg áskilur sér rétt til að afla upplýsinga frá tónlistarskólanum um umsækjendur, stöðu á biðlista og skráða nemendur með lögheimili í Reykjavík sem greitt er fjárframlag vegna.

### **12. gr.**

#### **Upplýsingagjöf og eftirlit**

- 12.1** Tónlistarskóli gerir starfsáætlun samkvæmt leiðbeiningum skóla- og frístundasviðs Reykjavíkurborgar og sendir Reykjavíkurborg eigi síðar en 1. júlí ár hvert.
- 12.2** Tónlistarskóli afhendir skóla- og frístundasviði þegar eftir því er óskað yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers. Jafnframt upplýsingar um áætlaðan nemendafjölda, fjölda umsókna, stöðu á biðlista og upplýsingar um nöfn og kennitölur nemenda með lögheimili í Reykjavík og nám þeirra.





- 12.3 Skóla- og frístundasvið Reykjavíkur getur krafið tónlistarskóla um fjárhagsáætlun fyrir tiltekið tímabil samkvæmt leiðbeiningum Reykjavíkurborgar.
- 12.4 Tónlistarskóli sendir skóla- og frístundasviði Reykjavíkurborgar endurskoðaðan ársreikning um liðið fjárhagsár sem gerður er í samræmi við lög um ársreikninga og góða reiknisskilavenju auk skýrslu stjórnar að fyrir 1. febrúar ár hvert. Ársreikningur skal gerður á grundvelli skólaársins frá 1. ágúst til 31. júlí.
- 12.5 Tónlistarskóli skilar greinargerð um starfsemi síðasta skólaárs samkvæmt leiðbeiningum skóla- og frístundasviðs Reykjavíkurborgar fyrir 1. júlí ár hvert.
- 12.6 Tónlistarskóli skilar til skóla- og frístundasviðs Reykjavíkurborgar upplýsingum um kennslu og nýtingu kennslumagns á efri stigum tónlistarnáms vegna yfirstandandi skólaárs á viðeigandi eyðublaði fyrir 1. mars ár hvert.
- 12.7 Reykjavíkurborg getur hvenær sem er látið gera stjórnsýsluúttekt á tónlistarskólum.

### 13. gr.

#### Menntun skólastjórna og kennara

- 13.1 Stjórn/skólanefnd tónlistarskóla ræður skólastjóra.
- 13.2 Menntun skólastjóra skal vera tónlistarskólakennari III samkvæmt kjarasamningum við tónlistarkennara hið minnsta og framhaldsmenntun á sviði tónlistar eða stjórnunar er æskileg.
- 13.3 Alla jafna er gert ráð fyrir því að starf skólastjóra sé fullt starf.
- 13.4 Minnst 80% kennara í hverjum tónlistarskóla skulu hafa réttindi tónlistarskólakennara III samkvæmt kjarasamningum við tónlistarkennara.

### 14. gr.

#### Samningstími

- 14.1 Þjónustusamningur Reykjavíkurborgar við nýjan tónlistarskóla skal gerður til eins árs í senn.
- 14.2 Eftir þriggja ára starfstíma tónlistarskóla er heimilt að gera þjónustusamning til allt að þriggja ára í senn en þó með þeim fyrirvara að framlag Reykjavíkurborgar geti lækkað verði árlegur fjárhagsrammi skóla- og frístundasviðs Reykjavíkurborgar eða fjárheimildir Jöfnunarsjóðs skertar. Stefnt skal að því að endurskoðun þjónustusamnings með þriggja ára gildistíma eigi sér stað hálfu ári áður en hann fellur úr gildi.



## 15. gr.

### Vanefndir á þjónustusamningi

- 15.1** Ef rökstuddur grunur er um að tónlistarskóli standist ekki kröfur sem gerðar eru í lögum nr. 75/1985 um fjárhagslegan stuðning við tónlistarskóla eða lögum sem koma í þeirra stað, aðalnámskrá tónlistarskóla, reglum um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda og reglum þessum getur skóla- og frístundasvið Reykjavíkurborgar stöðvað greiðslur og farið fram á endurstaðfestingu mennta- og menningarmálaráðuneytis.
- 15.2** Berist endurskoðaður ársreikningur tónlistarskóla ekki á tilsettum tíma, sbr. gr. 12.4 í reglum þessum, getur skóla- og frístundasvið stöðvað greiðslur til skólans. Sama gildir ef starfsáætlun tónlistarskóla fyrir næsta skólaár, sbr. gr. 12.1 í reglum þessum og/eða greinargerð um skólastarf síðasta skólaárs, sbr. gr. 12.5 í reglum þessum, berast ekki á tilsettum tíma.

## 16. gr.

### Gildistaka

- 16.1** Reglur þessar eru settar samkvæmt 2. gr. laga nr. 75/1985, um fjárhagslegan stuðning við tónlistarskóla, ákvæðum samkomulags ríkis og Sambands íslenskra sveitarfélaga frá 29. mars 2022 um stuðning við tónlistarnám og jöfnun á aðstöðumun nemenda til tónlistarnáms og reglum um framlög Jöfnunarsjóðs um framlögin frá 31. ágúst 2016. Reglur þessar taka gildi við samþykkt borgarráðs. Frá sama tíma falla úr gildi reglur samþykktar af borgarráði þann 29. maí 2012 um þjónustusamninga Reykjavíkurborgar við tónlistarskóla.

### Ákvæði til bráðabirgða

Ákvæði 2. mgr. í gr. 5.11 um að ekki sé greitt aukaframlag vegna langtímaveikinda tónlistarkennara sem náð hefur 70 ára aldri, tekur gildi frá 1. september 2017.

Síðasti málsliður í ákvæði 8.2 um að fjármagn skuli að fullu notað vegna kennslu- og stjórnunarkostnaðar á ekki við um samninga vegna efri stiga vegna skólaársins 2016 – 2017 ef tónlistarskóli hefur fengið bættan neikvæðan mismun kennslumagns á grundvelli upplýsinga frá vori 2014 og vori 2016. Nánar skal kveðið á um skilyrði á nýtingu fjármagns í samningi við þá tónlistarskóla sem í hlut eiga.

Ákvæði 9.1 á ekki við vegna skólaársins 2016 – 2017 gagnvart þeim tónlistarskólum sem gerður var þjónustusamningur við árið 2012.

Ákvæði 9.1 á ekki við vegna skólaáranna 2017 – 2018, 2018 – 2019, 2019 – 2020, 2020 – 2021, 2021 – 2022 og 2022 – 2023, ~~og~~ 2023 – 2024 og 2024 og 2025 gagnvart þeim tónlistarskólum sem gerður hefur verið þjónustusamningur við vegna tímabilanna 1. september 2016 til 31. ágúst 2017, 1. september 2017 til 31. júlí 2020, 1. ágúst 2020 til 31. júlí 2021, 1. ágúst 2022 til 31. júlí 2023 og 1. ágúst 2023 til 31. júlí 2024 og 1. ágúst 2024 til 31. júlí 2025 vegna neðri stiga tónlistarnáms. Jafnframt gagnvart þeim sem gerður hefur verið samningur árlega vegna



efri stiga frá 1. september 2017 til 31. ágúst 2018. Hafi orðið breyting á samningsaðila á framangreindum tímabilum nær ákvæðið til þeirra sem verða með þjónustusamning vegna skólaársins 2024~~3~~ – 2025~~4~~. Bráðabirgðaákvæðið fellur úr gildi þann 31. júlí 2025~~4~~ [vegna neðri stiga og 31. ágúst 2025 vegna efri stiga](#).

Eftirfarandi gildir til bráðabirgða vegna ákvæða 2.2, 5.2 og 5.5 reglna þessara vegna neðri stiga tónlistarnáms:

Nemendur yfir 18 ára aldri sem þegar stunda nám skólaárið 2022-2023 í tónlistarskólum með gildandi þjónustusamning við Reykjavíkurborg fá undanþágu til að ljúka námi sínu miðað við eðlilega námsframvindu til 25 ára aldurs.

Frá og með skólaárinu 2023-2024 verður ekki heimilt að nota fjárframlag vegna eða í þágu nýrra nemenda sem náð hafa 18 ára aldri í fornámi, grunnnámi og miðnámi. Þeir sem hófu nám fyrir 18 ára aldur frá þeim tíma fá þó undanþágu, miðað við eðlilega námsframvindu, til 23 ára aldurs til að ljúka grunn- og miðprófi. Undanþágan á einnig við þó nemandi hefji nám í öðrum tónlistarskóla á sama hljóðfæri. Hafi nemandi lokið grunnprófi fyrir 18 ára aldur hefur hann til 23 ára aldurs til að ljúka miðprófi þó svo viðkomandi hafi gert hlé á námi á tímabilinu. Sem fyrr er greitt rekstrarframlag vegna náms á framhaldsstigi gegnum Jöfnunarsjóð sveitarfélaga samkvæmt gildandi samkomulagi þar um.

Nemendur yfir 26 ára aldri sem þegar stunda söngnám skólaárið 2022-2023 í tónlistarskólum með gildandi þjónustusamning við Reykjavíkurborg fá undanþágu til að ljúka söngnámi sínu miðað við eðlilega námsframvindu til 30 ára aldurs.

Frá og með skólaárinu 2023-2024 verður ekki heimilt að nota fjárframlag vegna eða í þágu nýrra nemenda sem náð hafa 26 ára aldri í grunnnámi í söng. Þeir sem hófu nám fyrir 26 ára aldur frá þeim tíma fá þó undanþágu til að fjárframlag sé notað í þeirra þágu miðað við eðlilega námsframvindu til 28 ára aldurs til að ljúka grunnprófi. Undanþágan á einnig við þó nemandi hefji nám í öðrum tónlistarskóla í söng. Sem fyrr er greitt fjárframlag vegna náms á mið- og framhaldsstigi gegnum Jöfnunarsjóð sveitarfélaga samkvæmt gildandi samkomulagi þar um.

Sem áður er það skilyrði að nemendur séu með lögheimili í Reykjavík auk annarra skilyrða sem þarf að uppfylla.

[Varðandi gr. 5.11 í reglum þessum er gerður fyrirvari vegna umsókna tónlistarskóla um aukaframlag vegna viðbótarlaunakostnaðar skóla við afleysingu vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, sjá nánar í gr. 5.11 í reglum þessu. Gerð er krafa um að áður en tónlistarskóli með þjónustusamning við Reykjavíkurborg tekur ákvörðun um afleysingu verði haft samráð við skóla- og frístundasvið til að tryggja að til staðar séu forsendur greiðslu aukaframlags og jafnframt hvort til staðar séu fjárheimildir. Áskilinn er réttur til að synja umsóknum um aukaframlag hafi ekki verið leitað afstöðu skóla- og frístundasviðs áður en til ráðningar kemur. Ákvæðið gildir til 31. júlí 2025 vegna neðri stiga og 31. ágúst 2025 vegna efri stiga en greiðsla vegna efri stiga er háð greiðslum frá Jöfnunarsjóði.](#)



Samþykkt í skóla- og frístundaráði þann 25. janúar 2017 og í borgarráði þann 9. febrúar 2017, sbr. breytingar samþykktar í skóla- og frístundaráði 3. maí 2017 og í borgarráði þann 11. maí 2017, breytingar samþykktar í skóla- og frístundaráði þann 9. september 2020 og í borgarráði þann 17. september 2020 og breytingar samþykktar í skóla- og frístundaráði þann 11. maí 2021 og í borgarráði þann 20. maí 2021, sbr. jafnframt í skóla- og frístundaráði þann 27. júní 2022 og í borgarráði þann 7. júlí 2022. Samþykkt í skóla- og frístundaráði 26. júní 2023 og í borgarráði þann 29. júní 2023. [Samþykkt í borgarráði þann \[dags. samþykktar\]](#)



## Reglur um þjónustusamninga Reykjavíkurborgar við tónlistarskóla

### 1. gr. Gildissvið

Reglur þessar gilda um:

- 1.1 Þjónustusamninga, sem Reykjavíkurborgar gerir við tónlistarskóla í Reykjavík vegna nemenda með lögheimili í Reykjavík sem stunda fornám, grunnnám og miðnám á hljóðfæri og fornám og grunnnám í söng (neðri stig tónlistarnáms), sbr. lög nr. 75/1985 um fjárhagslegan stuðning við tónlistarskóla og aðalnámskrá tónlistarskóla, sbr. auglýsingu nr. 529/2000, og úthlutun fjármagns á grundvelli þeirra.
- 1.2 Þjónustusamninga, sem Reykjavíkurborg gerir við tónlistarskóla í Reykjavík vegna nemenda sem stunda nám í söng á miðstigi, framhaldsstigi og viðbótarnám eftir framhaldsstig og sem stunda nám í hljóðfæraleik á framhaldsstigi og viðbótarnám eftir framhaldsstig (efri stig tónlistarnáms), og greitt er vegna á grundvelli samkomulags, dags. 29. mars 2022, um stuðning við tónlistarnám og jöfnun á aðstöðumun nemenda til tónlistarnáms og reglna Jöfnunarsjóðs, dags. 31. ágúst 2016, um framlögin.
- 1.3 Áður en þjónustusamningur er gerður við tónlistarskóla skal eftirfarandi liggja fyrir:
  - 1.3.1 Sérstakt samþykki mennta- og menningarmálaráðuneytis sbr. lög nr. 75/1985 um fjárhagslegan stuðning við tónlistarskóla.
  - 1.3.2 Samþykktir fyrir tónlistarskóla, þar sem fram kemur rekstrarform, stjórn, og fjármögnun, undirritaðar af stjórn eða skólanefnd skólans.
  - 1.3.3 Þriggja ára fjárhagsáætlun skólans eða fjárhagsáætlun til jafn langs tíma og þjónustusamningur nær til.
  - 1.3.4 Reykjavíkurborg áskilur sér rétt til að ganga úr skugga um rekstrarhæfi tónlistarskóla áður en þjónustusamningur er gerður við skólann og hvenær sem er eftir að slíkur samningur hefur verið gerður ef málefnalegar ástæður eru fyrir hendi. Ef vafi leikur á um rekstrarhæfi tónlistarskóla er Reykjavíkurborg heimilt að hafna samningsgerð við skólann eða eftir atvikum að segja upp gildandi samningi. Til samræmis við lög um ársreikninga nr. 3/2006 skal koma fram í skýrslu stjórnar með ársreikningi ef vafi leikur á um rekstrarhæfi sbr. gr. 12.4 í reglum þessum.

### 2. gr. Skilgreiningar á hugtökum

- 2.1 Með tónlistarskóla í reglum þessum er átt við tónlistarskóla eins og hann er skilgreindur í 1. gr. laga nr. 75/1985.
- 2.2 Með neðri stigum tónlistarnáms í reglum þessum er átt við fornám, grunnnám og nám á miðstigi í hljóðfæraleik og fornám og grunnnám í söng. Fjárhagslegur stuðningur Reykjavíkurborgar er bundinn við nemendur í framangreindu námi með lögheimili í Reykjavík. Jafnframt er stuðningurinn bundinn við nemendur á átjándá ári (18) og yngri



vegna fornáms, grunnnáms og miðnáms í hljóðfæraleik og við nemendur á tuttugasta og sjötta ári (26) og yngri vegna nemenda í fornámi og grunnnámi í söng.

- 2.2 Með efri stigum tónlistarnáms í reglum þessum er átt við nám í söng á miðstigi, framhaldsstigi og viðbótarnám eftir framhaldsstig og nám í hljóðfæraleik á framhaldsstigi og viðbótarnám eftir framhaldsstig. Reykjavíkurborg leggur ekki til fjármuni vegna framangreinds náms heldur miðlar framlagi úr Jöfnunarsjóði sveitarfélaga á grundvelli samkomulags, dags. 29. mars 2022, um stuðning við tónlistarnám og jöfnun á aðstöðumun nemenda til tónlistarnáms. Ekki er gerð krafa um að nemendur hafi lögheimili í Reykjavík.
- 2.3 Með nemendastundum í reglum þessum er átt við allar kennslustundir í aðalnámsgrein, meðleik og aukánámsgreinum auk stjórnunarstunda skv. kjarasamningum, umreiknuðum yfir í kennslustundir í grunnnámi.
- 2.4 Jafngildi grunnstignemanda í fullu námi er í reglum þessum talið 38 nemendastundir á ári.
- 2.5 Þegar fjallað er um aldursviðmið, hámarksaldur nemenda, í reglum þessum er miðað við árið sem nemandi nær tilteknum aldri.

### 3. gr.

#### Markmið

- 3.1 Markmið reglna þessara er:
  - 3.1.1 Að stuðla að góðu, faglegu, vel skipulögðu og fjölbreyttu námi á neðri og efri stigum tónlistarnáms í Reykjavík.
  - 3.1.2 Að stuðla að því að hjá tónlistarskólum í Reykjavík starfi fagfólk, sem hefur menntun og hæfni til að sinna kennslu í tónlistarnámi.
  - 3.1.3 Að stuðla að því að tónlistarskólar í Reykjavík séu sýnilegt og lifandi afl í nærumhverfi sínu.

### 4. gr.

- 4.1 Í þjónustusamningi Reykjavíkurborgar við tónlistarskóla skal að minnsta kosti fjalla um fjárframlag til tónlistarskóla og kennslumagn, skilyrði framlags til tónlistarskóla, skilyrði um kennslu og kennslumagn tónlistarnáms, umsókn og innritun í tónlistarskóla, upplýsingagjöf og eftirlit, vanefndir á þjónustusamningi, leiðréttingar á fjárframlagi og samningstíma.

### 5. gr.

#### Um fjárframlag til tónlistarskóla

- 5.1 Reykjavíkurborg ber hvorki lagalega né fjárhagslega ábyrgð á rekstri þeirra tónlistarskóla sem gert hafa þjónustusamning við Reykjavíkurborg.
- 5.2 *Fjárframlag vegna nemenda á neðri stigum tónlistarnáms:* Reykjavíkurborg tekur ákvörðun um árlegt heildarfjármagn og kennslumagn til tónlistarskóla vegna náms á neðri stigum tónlistarnáms. Ekki er greitt fjárframlag í þágu kennslu nemenda eldri en



18 ára vegna fornáms, grunnnáms og miðnáms í hljóðfæraleik og ekki í þágu kennslu nemenda eldri en 26 ára vegna nemenda í fornámi og grunnnámi í söng. Heildarframlög til skólanna ráðast af árlegum fjárhagsramma skóla- og frístundasviðs Reykjavíkurborgar og geta framlög til skólanna tekið breytingum milli ára. Alla jafna er tekið tillit til gildandi úthlutunar við úthlutun fjármagns til tónlistarskóla. Þess skal getið í kynningarefni skólans að hann njóti framlaga frá Reykjavíkurborg.

**5.3** *Fjárframlag vegna nemenda á efri stigum tónlistarnáms:* Reykjavíkurborg miðlar framlagi Jöfnunarsjóðs sveitarfélaga vegna náms á efri stigum tónlistarnáms, sbr. gr. 2.3 reglna þessara. Um úthlutun, miðlun og nýtingu framlags Jöfnunarsjóðs sveitarfélaga gilda ákvæði samkomulags, dags. 29. mars 2022 um stuðning við tónlistarnám og jöfnun á aðstöðumun nemenda til tónlistarnáms og reglur Jöfnunarsjóðs, dags. 31. ágúst 2016, og ákvæði reglna þessara.

**5.4** Skóla- og frístundasvið Reykjavíkurborgar greiðir tónlistarskólum fjárframlag í samræmi við þjónustusamninga, sbr. gr. 1.1 í reglum þessum og miðlar framlagi úr Jöfnunarsjóði sveitarfélaga í samræmi við þjónustusamninga, sbr. gr. 1.2 í reglum þessum.

**5.5** *Um fjárframlag vegna nemenda á neðri og efri stigum tónlistarnáms:*

Bein fjárframlög Reykjavíkurborgar til tónlistarskóla eru einungis vegna nemenda 18 ára og yngri í fornámi, grunnnámi og námi á miðstigi í hljóðfæraleik og vegna nemenda í fornámi og grunnnámi í söng 26 ára og yngri ( vegna neðri stiga tónlistarnáms ). Auk þess sem það er skilyrði að nemendur séu með lögheimili í Reykjavík og falli utan samkomulags ríkis og sveitarfélaga frá 29. mars 2022 um stuðning við tónlistarnám og jöfnun á aðstöðumun nemenda. Á meðan framangreint samkomulag er í gildi leggur Reykjavíkurborg ekki til fé til tónlistarskóla umfram framlag ríkisins vegna þeirra nemenda sem falla undir samkomulagið. Verði samkomulagið hvorki framlengt né endurskoðað að gildistíma liðnum mun Reykjavíkurborg taka afstöðu til þess hvort gera eigi þjónustusamninga við tónlistarskóla um framlög vegna þeirra nemenda sem féllu undir samkomulagið og þá aðeins vegna nemenda með lögheimili í Reykjavík.

**5.6** Tónlistarskóli nýtir árlegt framlag til greiðslu kennslu- og stjórnunarkostnaðar í samræmi við þann fjölda nemendastunda sem tilgreindar eru í samningi við hann og skólarnir telja sig að lágmarki geta kennt m.v. heildarframlag.

**5.7** Tónlistarskólar skulu innheimta skólagjöld. Skólagjöldum er ætlað að standa undir öðrum kostnaði við skólareksturinn en launakostnaði kennara og skólastjóra, að svo miklu leyti sem rekstrarkostnaðurinn er ekki borinn af styrktarmeðlimum eða annarri fjáröflun.

**5.8** Tónlistarskólar bera ábyrgð á að kennsla og önnur starfsemi þeirra sé í samræmi við gildandi þjónustusamning. Skilyrði þess að tónlistarskóli fái fjárframlag Reykjavíkurborgar og Jöfnunarsjóðs sveitarfélaga er að hann starfi að fullu samkvæmt þessum reglum.



- 5.9** Tónlistarskólum ber að fara eftir kjarasamningum sem Samband íslenskra sveitarfélaga gerir við stéttarfélög tónlistarskólakennara á hverjum tíma, þ.m.t. ábyrgð á réttu og samræmdu mati menntunar og reynslu tónlistarkennara í samræmi við ákvæði kjarasamnings.
- 5.10** Tónlistarskóli sem greiðir fleiri stjórnunarstundir en kjarasamningar kveða á um þarf að skila frávíkagreiðingu til Reykjavíkurborgar en hvorki fjármagn frá Reykjavíkurborg né Jöfnunarsjóði sveitarfélaga skal nota til greiðslu þess kostnaðar.
- 5.11** Tónlistarskóla er heimilt að sækja sérstaklega um aukaframlag vegna viðbótarlaunakostnaðar skólans við afleysingar vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum kennarans, sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum. Umsóknarfrestur um aukaframlag er til 1. júní vegna yfirstandandi skólaárs. Ekki er greitt aukaframlag vegna viðbótarlaunakostnaðar vegna lang tímaveikinda tónlistarkennara sem náð hafa 70 ára aldri.

## **6. gr.**

### **Ákvörðun um breytingu á úthlutun fjárframlags**

- 6.1** Skóla- og frístundaráð Reykjavíkurborgar gerir tillögu til borgarráðs um gerð þjónustusamnings við nýja tónlistarskóla, s.s. í nýjum hverfum, hverfum sem eru í vexti eða þegar starfandi tónlistarskóli hættir rekstri. Í þessum tilvikum skal Reykjavíkurborg auglýsa eftir aðilum sem áhuga hafa á að reka tónlistarskóla eða setja upp útibú frá starfandi skóla.
- 6.2** Ef tónlistarskóli hættir eða umtalsverð fækkun verður á kenndum stundum í tilgreindum skólum er heimilt að úthluta samsvarandi stundum til annarra skóla. Miða skal við að beina kennslumagni einkum í þau hverfi sem eru í vexti með tilliti til barnafjölda eða þar sem fá tækifæri eru til tónlistarnáms.
- 6.3** Skóla- og frístundaráð Reykjavíkurborgar getur veitt tónlistarskóla undanþágu frá lágmarksfjölda nemenda ( 150 ) eða ígildi þess ef um er að ræða borgarhluta sem skortir slíka þjónustu að mati skóla- og frístundasviðs Reykjavíkurborgar, nýjungar í starfi eða faglega þróun sem talin er þörf á að styrkja, s.s. fyrir nemendur sem þurfa sérstakan stuðning Tillögu um slíkt skal leggja fyrir skóla- og frístundaráð Reykjavíkurborgar.

## **7. gr.**

### **Skilyrði um kennslu og kennslumagn á neðri stigum tónlistarnáms**

- 7.1** Tónlistarskóli sem Reykjavíkurborg gerir þjónustusamning við skal uppfylla eftirtalin skilyrði og markmið um kennslu og kennslumagn vegna neðra stiga tónlistarnáms:
- 7.1.1** Tónlistarskóli skal leitast við að kenna hverjum nemanda í fullu námi að jafnaði eina klukkustund á viku í aðalnámsgrein, auk hliðargreina, á starfstíma tónlistarskólans samkvæmt kjarasamningi.





**7.1.2** Aðalnámskrá tónlistarskóla skal ávallt liggja til grundvallar náminu, en skólanum er heimilt að leggja áherslu á afmarkaða þætti aðalnámskrárinnar í þeim tilgangi að auka fjölbreytni í tónlistarskólaskerfinu og mæta áhuga nemenda.

**7.1.3** Fjármagn skal að fullu notað vegna kennslu- og stjórnunarkostnaðar tónlistarnáms á neðri stigum.

**7.1.4** Tónlistarskóla er heimilt að sækja um að fjárframlög úr borgarsjóði vegna samþykkt kennslumagns á neðri stigum tónlistarnáms verði nýtt með öðrum hætti en að framan greinir, en þó aðeins þannig að breytingin leiði til fjölgunar nemenda, enda fáir hverjir nemandi í fullu námi a.m.k. eina klukkustund á viku í aðalnámssgrein sinni þar sem kennsla fer fram í smærri eða stærri hópum auk hliðargreina. Skólinn skal gera grein fyrir nýtingu fjármagns á grundvelli breytts fyrirkomulags kennslu og áhrifum þess í starfsáætlun og greinargerð.

**7.1.5** Áhersla er lögð á að tónlistarskólar leiti eftir samstarfi við grunnskóla Reykjavíkurborgar um kennslu yngri nemenda á skólatíma eða í beinu framhaldi af honum. Skriflegt samþykki foreldra nemenda þarf til að taka nemendur út úr kennslutímum grunnskóla til iðkunar tónlistarnáms.

## **8. gr.**

### **Skilyrði um kennslu og kennslumagn á efri stigum tónlistarnáms**

- 8.1** Á grundvelli samkomulags ríkis við Samband íslenskra sveitarfélaga, dags. 29. mars 2022 um stuðning við tónlistarnám og jöfnun á aðstöðumun nemenda til tónlistarnáms greiðir ríkið framlag til Jöfnunarsjóðs sveitarfélaga til greiðslu kennslukostnaðar í tónlistarskólum vegna náms í hljóðfæraleik á framhaldsstigi og náms í söng á miðstigi og framhaldsstigi auk viðbótarnáms eftir framhaldsstig. Reykjavíkurborg tekur við framlagi vegna tónlistarnáms á efri stigum frá Jöfnunarsjóði, stýrir aðgengi að náminu og nýtingu kennslumagns með gerð þjónustusamninga og greiðir áfram til tónlistarskóla á grundvelli samkomulags og reglna um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda og að teknu tilliti til málefnalesgra sjónarmiða þegar þeim reglum sleppir.
- 8.2** Í þjónustusamningi við tónlistarskóla vegna kennslu á efri stigum tónlistarnáms skal tilgreina heildarframlag á skólaárinu úr Jöfnunarsjóði sveitarfélaga sem kemur í hlut skólans vegna þess kennslumagns sem fellur undir samkomulag og ríkis og Sambands íslenskra sveitarfélaga frá 29. mars 2022 og reglur Jöfnunarsjóðs um framlögin. Sömuleiðis skal tilgreina það kennslumagn sem miðað er við í útreikningi framlags, sem byggir á upplýsingum frá skólum til Reykjavíkurborgar og Jöfnunarsjóðs frá fyrra ári. Enn fremur skal tilgreina það lágmarkskennslumagn sem skólanum er ætlað að uppfylla. Fjármagn skal að fullu notað vegna kennslu- og stjórnunarkostnaðar vegna náms á efri stigum tónlistarnáms.
- 8.3** Tónlistarskóli skal fylgja reglum Jöfnunarsjóðs sveitarfélaga um kennslu og nýtingu kennslumagns og þessum reglum þegar reglum Jöfnunarsjóðs sleppir.

## **9. gr.**



## **Skilyrði um kennslu og kennslumagn á neðri og efri stigum tónlistarnáms**

- 9.1** Tónlistarskóli þarf að jafnaði að hafa a.m.k. 150 nemendur eða ígildi þess fjölda á grunnstigi, sem stunda nám til viðurkenndra áfangaprófa samkvæmt aðalnámskrá tónlistarskóla. Skóli er ekki skyldugur til að hafa 150 reykvíska nemendur, heldur einungis að hafa 150 nemendur í styrkhæfu námi að mati Reykjavíkurborgar.
- 9.2** Tónlistarskólanum er heimilt að ráðstafa fleiri nemendastundum en fram kemur í þjónustusamningi en aukin þjónusta skólans hefur ekki áhrif á fjárhæð framlags.
- 9.3** Tónlistarskóli sem velur að kenna fleiri nemendastundir en þjónustusamningur kveður á um skal gera grein fyrir því og með hvaða hætti það hefur áhrif á það kennslumagn sem hverjum nemanda býðst.
- 9.4** Skólaári skal ljúka með prófum og opinberum tónleikum.

### **10. gr.**

#### **Kaup á viðbótarþjónustu**

- 10.1** Skóla- og frístundaráð Reykjavíkurborgar getur samkvæmt nánari reglum tekið ákvörðun um og lagt til við borgarráð að keypt verði viðbótarþjónustu af ákveðnum tónlistarskólum. Rökstyðja skal slíka ákvörðun.

### **11. gr.**

#### **Umsókn og innritun í tónlistarskóla**

- 11.1** Umsækjendur um nám í tónlistarskóla sækja um það hjá þeim tónlistarskóla sem þeir óska eftir að sækja. Umsókn og innritun er á ábyrgð viðkomandi tónlistarskóla. Reykjavíkurborg áskilur sér rétt til að afla upplýsinga frá tónlistarskólanum um umsækjendur, stöðu á biðlista og skráða nemendur með lögheimili í Reykjavík sem greitt er fjárframlag vegna.

### **12. gr.**

#### **Upplýsingagjöf og eftirlit**

- 12.1** Tónlistarskóli gerir starfsáætlun samkvæmt leiðbeiningum skóla- og frístundasviðs Reykjavíkurborgar og sendir Reykjavíkurborg eigi síðar en 1. júlí ár hvert.
- 12.2** Tónlistarskóli afhendir skóla- og frístundasviði þegar eftir því er óskað yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers. Jafnframt upplýsingar um áætlaðan nemendafjölda, fjölda umsókna, stöðu á biðlista og upplýsingar um nöfn og kennitölur nemenda með lögheimili í Reykjavík og nám þeirra.



- 12.3** Skóla- og frístundasvið Reykjavíkur getur krafið tónlistarskóla um fjárhagsáætlun fyrir tiltekið tímabil samkvæmt leiðbeiningum Reykjavíkurborgar.
- 12.4** Tónlistarskóli sendir skóla- og frístundasviði Reykjavíkurborgar endurskoðaðan ársreikning um liðið fjárhagsár sem gerður er í samræmi við lög um ársreikninga og góða reiknisskilavenju auk skýrslu stjórnar að fyrir 1. febrúar ár hvert. Ársreikningur skal gerður á grundvelli skólaársins frá 1. ágúst til 31. júlí.
- 12.5** Tónlistarskóli skilar greinargerð um starfsemi síðasta skólaárs samkvæmt leiðbeiningum skóla- og frístundasviðs Reykjavíkurborgar fyrir 1. júlí ár hvert.
- 12.6** Tónlistarskóli skilar til skóla- og frístundasviðs Reykjavíkurborgar upplýsingum um kennslu og nýtingu kennslumagns á efri stigum tónlistarnáms vegna yfirstandandi skólaárs á viðeigandi eyðublaði fyrir 1. mars ár hvert.
- 12.7** Reykjavíkurborg getur hvenær sem er látið gera stjórnsýsluúttekt á tónlistarskólum.

### **13. gr.**

#### **Menntun skólastjórna og kennara**

- 13.1** Stjórn/skólanefnd tónlistarskóla ræður skólastjóra.
- 13.2** Menntun skólastjóra skal vera tónlistarskólakennari III samkvæmt kjarasamningum við tónlistarkennara hið minnsta og framhaldsmenntun á sviði tónlistar eða stjórnunar er æskileg.
- 13.3** Alla jafna er gert ráð fyrir því að starf skólastjóra sé fullt starf.
- 13.4** Minnst 80% kennara í hverjum tónlistarskóla skulu hafa réttindi tónlistarskólakennara III samkvæmt kjarasamningum við tónlistarkennara.

### **14. gr.**

#### **Samningstími**

- 14.1** Þjónustusamningur Reykjavíkurborgar við nýjan tónlistarskóla skal gerður til eins árs í senn.
- 14.2** Eftir þriggja ára starfstíma tónlistarskóla er heimilt að gera þjónustusamning til allt að þriggja ára í senn en þó með þeim fyrirvara að framlag Reykjavíkurborgar geti lækkað verði árlegur fjárhagsrammi skóla- og frístundasviðs Reykjavíkurborgar eða fjárheimildir Jöfnunarsjóðs skertar. Stefnt skal að því að endurskoðun þjónustusamnings með þriggja ára gildistíma eigi sér stað hálfu ári áður en hann fellur úr gildi.



## 15. gr.

### Vanefndir á þjónustusamningi

- 15.1** Ef rökstuddur grunur er um að tónlistarskóli standist ekki kröfur sem gerðar eru í lögum nr. 75/1985 um fjárhagslegan stuðning við tónlistarskóla eða lögum sem koma í þeirra stað, aðalnámskrá tónlistarskóla, reglum um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda og reglum þessum getur skóla- og frístundasvið Reykjavíkurborgar stöðvað greiðslur og farið fram á endurstaðfestingu mennta- og menningarmálaráðuneytis.
- 15.2** Berist endurskoðaður ársreikningur tónlistarskóla ekki á tilsettum tíma, sbr. gr. 12.4 í reglum þessum, getur skóla- og frístundasvið stöðvað greiðslur til skólans. Sama gildir ef starfsáætlun tónlistarskóla fyrir næsta skólaár, sbr. gr. 12.1 í reglum þessum og/eða greinargerð um skólastarf síðasta skólaárs, sbr. gr. 12.5 í reglum þessum, berast ekki á tilsettum tíma.

## 16. gr.

### Gildistaka

- 16.1** Reglur þessar eru settar samkvæmt 2. gr. laga nr. 75/1985, um fjárhagslegan stuðning við tónlistarskóla, ákvæðum samkomulags ríkis og Sambands íslenskra sveitarfélaga frá 29. mars 2022 um stuðning við tónlistarnám og jöfnun á aðstöðumun nemenda til tónlistarnáms og reglum um framlög Jöfnunarsjóðs um framlögin frá 31. ágúst 2016. Reglur þessar taka gildi við samþykkt borgarráðs. Frá sama tíma falla úr gildi reglur samþykktar af borgarráði þann 29. maí 2012 um þjónustusamninga Reykjavíkurborgar við tónlistarskóla.

### Ákvæði til bráðabirgða

Ákvæði 2. mgr. í gr. 5.11 um að ekki sé greitt aukaframlag vegna langtímaveikinda tónlistarkennara sem náð hefur 70 ára aldri, tekur gildi frá 1. september 2017.

Síðasti málsliður í ákvæði 8.2 um að fjármagn skuli að fullu notað vegna kennslu- og stjórnunarkostnaðar á ekki við um samninga vegna efri stiga vegna skólaársins 2016 – 2017 ef tónlistarskóli hefur fengið bættan neikvæðan mismun kennslumagns á grundvelli upplýsinga frá vori 2014 og vori 2016. Nánar skal kveðið á um skilyrði á nýtingu fjármagns í samningi við þá tónlistarskóla sem í hlut eiga.

Ákvæði 9.1 á ekki við vegna skólaársins 2016 – 2017 gagnvart þeim tónlistarskólum sem gerður var þjónustusamningur við árið 2012.

Ákvæði 9.1 á ekki við vegna skólaáranna 2017 – 2018, 2018 – 2019, 2019 – 2020, 2020 – 2021, 2021 – 2022 og 2022 – 2023 og 2023 – 2024 gagnvart þeim tónlistarskólum sem gerður hefur verið þjónustusamningur við vegna tímabilanna 1. september 2016 til 31. ágúst 2017, 1. september 2017 til 31. júlí 2020, 1. ágúst 2020 til 31. júlí 2021, 1. ágúst 2022 til 31. júlí 2023 vegna neðri stiga tónlistarnáms. Jafnframt gagnvart þeim sem gerður hefur verið samningur árlega vegna efri stiga frá 1. september 2017 til 31. ágúst 2018. Hafí orðið breyting á



sammingsaðila á framangreindum tímabilum nær ákvæðið til þeirra sem verða með þjónustusamning vegna skólaársins 2023 – 2024. Bráðabirgðaákvæðið fellur úr gildi þann 31. júlí 2024.

Eftirfarandi gildir til bráðabirgða vegna ákvæða 2.2, 5.2 og 5.5 reglna þessara vegna neðri stiga tónlistarnáms:

Nemendur yfir 18 ára aldri sem þegar stunda nám skólaárið 2022-2023 í tónlistarskólum með gildandi þjónustusamning við Reykjavíkurborg fá undanþágu til að ljúka námi sínu miðað við eðlilega námsframvindu til 25 ára aldurs.

Frá og með skólaárinu 2023-2024 verður ekki heimilt að nota fjárframlag vegna eða í þágu nýrra nemenda sem náð hafa 18 ára aldri í fornámi, grunnnámi og miðnámi. Þeir sem hófu nám fyrir 18 ára aldur frá þeim tíma fá þó undanþágu, miðað við eðlilega námsframvindu, til 23 ára aldurs til að ljúka grunn- og miðprófi. Undanþágan á einnig við þó nemandi hefji nám í öðrum tónlistarskóla á sama hljóðfæri. Hafi nemandi lokið grunnprófi fyrir 18 ára aldur hefur hann til 23 ára aldurs til að ljúka miðprófi þó svo viðkomandi hafi gert hlé á námi á tímabilinu. Sem fyrr er greitt rekstrarframlag vegna náms á framhaldsstigi gegnum Jöfnunarsjóð sveitarfélaga samkvæmt gildandi samkomulagi þar um.

Nemendur yfir 26 ára aldri sem þegar stunda söngnám skólaárið 2022-2023 í tónlistarskólum með gildandi þjónustusamning við Reykjavíkurborg fá undanþágu til að ljúka söngnámi sínu miðað við eðlilega námsframvindu til 30 ára aldurs.

Frá og með skólaárinu 2023-2024 verður ekki heimilt að nota fjárframlag vegna eða í þágu nýrra nemenda sem náð hafa 26 ára aldri í grunnnámi í söng. Þeir sem hófu nám fyrir 26 ára aldur frá þeim tíma fá þó undanþágu til að fjárframlag sé notað í þeirra þágu miðað við eðlilega námsframvindu til 28 ára aldurs til að ljúka grunnprófi. Undanþágan á einnig við þó nemandi hefji nám í öðrum tónlistarskóla í söng. Sem fyrr er greitt fjárframlag vegna náms á mið- og framhaldsstigi gegnum Jöfnunarsjóð sveitarfélaga samkvæmt gildandi samkomulagi þar um.

Sem áður er það skilyrði að nemendur séu með lögheimili í Reykjavík auk annarra skilyrða sem þarf að uppfylla.

Samþykkt í skóla- og frístundaráði þann 25. janúar 2017 og í borgarráði þann 9. febrúar 2017, sbr. breytingar samþykktar í skóla- og frístundaráði 3. maí 2017 og í borgarráði þann 11. maí 2017, breytingar samþykktar í skóla- og frístundaráði þann 9. september 2020 og í borgarráði þann 17. september 2020 og breytingar samþykktar í skóla- og frístundaráði þann 11. maí 2021 og í borgarráði þann 20. maí 2021, sbr. jafnframt í skóla- og frístundaráði þann 27. júní 2022 og í borgarráði þann 7. júlí 2022. Samþykkt í skóla- og frístundaráði 26. júní 2023 og í borgarráði þann 29. júní 2023.

Mennta- og barnamálaráðherra, innviðaráðherra og Samband íslenskra sveitarfélaga, f.h. sveitarfélaga, (til samans nefndir aðilar) gera með sér eftirfarandi:

### **Samkomulag um stuðning við tónlistarnám og jöfnun á aðstöðumun nemenda til tónlistarnáms**

1. gr.

#### *Markmið*

Aðilar eru sammála um að gera nemendum kleift að stunda hljóðfæranám á framhaldsstigi og söngnám á mið- og framhaldsstigi óháð búsetu.

Markmiðum þessum verður m.a. náð með því að ríkissjóður greiði árlegt framlag í Jöfnunarsjóð sveitarfélaga til greiðslu kennslukostnaðar nemenda í framhaldsnámi í hljóðfæraleik og söng ásamt miðnámi í söng, og annarra nemenda sem þurfa af gildum ástæðum að sækja tónlistarskóla utan lögheimilis sveitarfélags skv. nánari skilyrðum í reglum sem innviðaráðherra gefur út.

2. gr.

#### *Fjárstuðningur ríkisins við tónlistarnám á vegum sveitarfélaga*

Ríkissjóður greiðir árlegt styrktarframlag í Jöfnunarsjóð sveitarfélaga sem renna skal til greiðslu kennslukostnaðar í samræmi við markmið 1. gr., að meðtöldu álagi fyrir stjórnunarkostnað, langtímaforföll, hljóðfæragjald og tengdan kostnað, að fjárhæð 661,6 m.kr. Styrktarframlagið er af málefnasviði 20 – *Framhaldsskólastig*, málaflokki 20.20 – *Tónlistarfræðsla*. Styrktarframlagið tekur breytingum skv. almennri verðlagsuppfærslu fjárlaga hverju sinni og er notuð tilfærslureglan 85-15, þ.e. launauppfærsla er 85% og verðlagsuppfærsla 15%. Styrktarframlag samkomulags þessa tekur fyrstu verðlagsuppfærslu um áramótin 2022/2023.

Á móti styrktarframlagi ríkisins samkvæmt samkomulagi þessu skuldbinda sveitarfélög sig til að taka yfir verkefni frá ríki sem nemur að fjárhæð 279,1 m.kr. á ársgrundvelli, sbr. viðauka við samkomulag þetta. Sömu reglur gilda um verðlagsuppfærslu skuldbindingar þeirrar fjárhæðar og getið er í 1. mgr. gagnvart styrktarframlaginu. Jafnframt munu breytingar á fjárhæðum í samkomulagi þessu sem rekja má til ákvæða 6. gr. breyta fjárhæðum í viðauka með sambærilegum hætti.

Sveitarfélög skulu tryggja að framlag skv. 1. mgr. renni, án tillits til búsetu, til kennslu þeirra nemenda sem innritaðir eru í viðurkennda tónlistarskóla. Sveitarfélög skulu jafnframt tryggja að nemendur sem njóta framlags greiði ekki annað en skólagjöld til viðkomandi tónlistarskóla. Sveitarfélög skulu stýra aðgengi að náminu og nýtingu kennslumagns með gerð þjónustusamninga við þá tónlistarskóla sem ekki eru reknir af sveitarfélögum.

### 3. gr.

#### *Reglur*

Innviðaráðherra setur nánari ákvæði um úthlutun framlags skv. 2. gr., skilyrði um námsframvindu nemenda og upplýsingaskyldu sveitarfélaga og tónlistarskóla í reglum sem samdar eru í samráði við Samband íslenskra sveitarfélaga. Þar skal áskilið að þeir nemendur í framhaldsnámi sem stuðnings njóta skv. samkomulagi þessu hafi lokið miðnámi að fullu í aðalgrein og aukánámsgreinum. Einnig er heimilt að skilgreina í reglunum í hvaða tilvikum og með hvaða skilyrðum er heimilt að greiða framlag vegna nemenda sem hafa lokið námi á framhaldsstigi.

Í reglunum skal kveðið á um skiptingu þess kennslumagns sem Jöfnunarsjóður sveitarfélaga hefur til ráðstöfunar á landsvísu. Við þá skiptingu er heimilt að leggja til grundvallar fyrirliggjandi upplýsingar hjá Jöfnunarsjóði um skiptingu kennslumagns milli sveitarfélaga á síðustu tveimur árum. Framlag til einstakra tónlistarskóla skal aldrei nema hærri fjárhæð en útlögðum kennslukostnaði og öðrum kostnaði skv. 1. mgr. 2. gr. en þó er heimilt að setja í reglur ákvæði um tímabundna afkomutryggingu til að bregðast við breyttum aðstæðum.

Í reglunum er jafnframt heimilt að kveða á um framlög til sveitarfélaga vegna nemenda í tónlistarnámi sem ekki falla undir 1. mgr. en þurfa af gildum ástæðum að sækja tónlistarskóla utan lögheimilis sveitarfélags.

### 4. gr.

#### *Réttindi nemenda*

Á grundvelli samkomulags þessa tryggja sveitarfélög að nemendur sem uppfylla inntökuskilyrði tónlistarskóla og reglur um námsframvindu geti stundað tónlistarnám á framhaldsstigi í hljóðfæraleik og á mið- og framhaldsstigi í söng án tillits til búsetu. Samkomulag þetta hefur ekki áhrif á rétt tónlistarskóla til að krefja nemendur um skólagjöld skv. gildandi lögum.

### 5. gr.

#### *Samráðsnefnd*

Til að fylgjast með framkvæmd samkomulagsins tilnefna aðilar fulltrúa í 5 manna samráðsnefnd sem fundar að lágmarki árlega og oftar ef þörf krefur. Samráðsnefndin skal skipuð tveimur fulltrúum mennta- og barnamálaráðuneytis, tveimur fulltrúum Sambands íslenskra sveitarfélaga og einum fulltrúa innviðaráðuneytis.

Á reglulegum fundum samráðsnefndarinnar leggur Jöfnunarsjóður sveitarfélaga fram upplýsingar um þróun nemendafjölda, kennslumagns og einingaverða og aðrar upplýsingar sem nauðsynlegar eru til að meta framkvæmd samkomulagsins og þar með talið framkvæmd einstakra verkefna sem kveðið er á um í viðauka. Samráðsnefndin tekur árlega formlega afstöðu til þeirra verkefna sem tilgreind eru í viðauka við samkomulag þetta og skiptingu fjár þeirra á milli. Ef um breytingar er að ræða þá skilar samráðsnefndin tillögugerð þar um til aðila samkomulags þessa til staðfestingar. Jafnframt fjallar samráðsnefndin um álitaeftni sem snúa að túlkun samkomulagsins og reglna sem settar eru á grundvelli þess. Samráðsnefndin skilar

árlegri skilagrein til mennta- og barnamálaráðuneytis um framkvæmd verkefnisins. Samráðsnefndin getur gert tillögur um viðbrögð við álitamálum sem koma upp vegna atvika sem ófyrirséð eru við gerð þessa samkomulags.

Aðilar geta óskað eftir því að samráðsnefndin komi saman þegar tilefni er til, svo sem ef upp koma aðstæður sem fjallað er um í 6. gr.

Nefndin setur sér nánari starfsreglur.

## 6. gr.

### *Lagabreytingar, forsendur og fyrirvari*

Samkomulag þetta er gert með fyrirvara um samþykki fjármála- og efnahagsráðherra skv. 1. mgr. laga nr. 123/2015 um opinber fjármál, á grundvelli heimildar í 40 gr. laga um opinber fjármál nr. 123/2015.

Verði gerð breyting á fjárheimildum til málaflokks 20.20 í fjárlögum geta aðilar tekið upp viðræður í samráðsnefnd um aðlögun verkefnisins að breyttri fjárveitingu. Jafnframt geta aðilar óskað eftir viðræðum um áhrif lagabreytinga og annarra breytinga á ytri aðstæðum sem haft geta áhrif á markmið og framkvæmd samkomulagsins.

Gerður er fyrirvari um að stjórnvöld kunni að ákveða aðhaldsaðgerðir við samþykkt fjárlaga og á Samband íslenskra sveitarfélaga ekki kröfu á ríkissjóð eða rétt á bótum þótt framlag til samkomulagsins verði lækkað eða það fellt niður en veruleg breyting getur þó veitt rétt til uppsagnar samkomulagsins. Séu gerðar almennar aðhaldskröfur af hálfu ríkisins til málaflokks 20.20 er heimilt að gera sömu kröfur til aðhalds í rekstri verkefna sem falla undir samkomulag þetta.

Samkomulag þetta felur ekki í sér breytingar á verkaskiptingu ríkis og sveitarfélaga skv. lögum um fjárhagslegan stuðning við tónlistarskóla, nr. 75/1985. Fjárhagsleg ábyrgð ríkisins vegna verkefnisins takmarkast við þá fjárhæð sem fram kemur í samkomulagi þessu. Fjárstuðningur ríkisins skv. 2. gr. er óháður útgjöldum sveitarfélaga vegna reksturs tónlistarskóla og tekur ekki breytingum í samræmi við þau. Kjósi sveitarfélag að auka kennslumagn umfram úthlutun úr Jöfnunarsjóði sveitarfélaga ber það sjálft þann viðbótarkostnað.

## 7. gr.

### *Gildistími, greiðslur og endurskoðun*

Gildistími samkomulagsins er frá 1. janúar 2022 til 31. desember 2024. Árlegt styrktarframlag er greitt til Jöfnunarsjóðs sveitarfélaga í tólf jöfnum hlutum fyrsta dag hvers mánaðar. Greitt er inn á bankareikning viðskiptabanka Jöfnunarsjóðs sveitarfélaga enda uppfyllir samningshafi öll skilyrði og kröfur sem samkomulag þetta kveður á um.


Ákveði aðilar að segja samkomulaginu upp skal tilkynning um uppsögn send með sannanlegum hætti fyrir 1. febrúar á því ári sem samkomulagið gengur úr gildi.

*Handwritten signature:* 2023/3/3 AEN




Viðræður um framlengingu samkomulagsins skulu hefjast eigi síðar en 1. nóvember 2023 og vera lokið eigi síðar en 1. apríl 2024. Hafi ekki náðst niðurstaða um nýtt samkomulag fyrir þann tíma framlengist samkomulagið sjálfkrafa um eitt ár enda hafi því ekki verið sagt upp skv. 2. mgr.

Reykjavík, 29. mars 2022.



f.h. Sambands íslenskrar sveitarfélaga




Mennta- og barnamálaráðherra



Innviðaráðherra

Samþykki veitt, sbr. 1. mgr. 40. gr. laga nr. 123/2015,

Fjármála- og efnahagsráðherra



**Viðauki við samkomulag um stuðning við tónlistarnám og  
jöfnun á aðstöðumun nemenda til tónlistarnáms**

*Tímabundin tilfærsla verkefna til sveitarfélaga frá ríki.*

Sveitarfélög skuldbinda sig til, á grundvelli samkomulags um stuðning við tónlistarnám og jöfnun á aðstöðumun nemenda til tónlistarnáms, að taka tímabundið við verkefnum frá ríki á gildistíma samkomulagsins að fjárhæð 279,1 m.kr. auk verðlagsuppfærslu frá og með áramótum 2022/2023, samanber ákvæði 2. greinar samkomulagsins.

Á árinu 2022 er um að ræða eftirtalin verkefni;

a.	Endurmenntunarsjóður grunnskóla	59,6
b.	Námshagsjóður	72,6
c.	Reykjadalur	39,2
d.	Vistheimilið Bjarg	95,2
e.	Tölvumiðstöð fatlaðra	12,5
	Samtals	279,1 m.kr.

Gert er ráð fyrir að útgjöld til verkefna samkvæmt þessari grein skiptist jafnt milli sveitarfélaga í hlutfalli við íbúafjölda og að Jöfnunarsjóði sveitarfélaga verði falið að standa skil á greiðslum sveitarfélaga með því að draga kostnað hvers sveitarfélags frá framlögum sjóðsins.

Á samningstímanum geta orðið breytingar og tilfærslur innan þess ramma sem greinin kveður á um á grundvelli tillögugerðar samráðsnefndar sem getið er í 5. grein samkomulagsins og að fenginni staðfestingu aðila samkomulagsins.

AED  
mzj

# REGLUR

## um framlög úr Jöfnunarsjóði sveitarfélaga til stuðnings við tónlistarnám og jöfnunar á aðstöðumun nemenda.

### 1. gr.

#### *Gildissvið og markmið.*

Reglur þessar gilda um úthlutun Jöfnunarsjóðs sveitarfélaga á styrktarframlagi úr ríkissjóði til sveitarfélaga vegna kennslukostnaðar í tónlistarskólum, sbr. samkomulag ríkis og sveitarfélaga frá 13. apríl 2016 um stuðning við tónlistarnám og jöfnun á aðstöðumun nemenda til tónlistarnáms.

Framlagi ríkisins er ætlað að gera nemendum kleift að stunda tónlistarnám óháð búsetu og efnahag. Framlagið skal renna til greiðslu kennslukostnaðar nemenda í framhaldsnámi í hljóðfæraleik og söng ásamt miðnámi í söng og, að uppfylltum skilyrðum, nemenda sem hafa lokið námi á framhaldsstigi.

Með framlagi ríkisins er Jöfnunarsjóði jafnframt heimilt að veita framlag vegna kennslukostnaðar annarra nemenda sem þurfa af gildum ástæðum að sækja tónlistarskóla utan lögheimilissveitarfélags, sbr. 7. gr. Skilyrði er að um sé að ræða tónlistarnám í viðurkenndum tónlistarskóla, þ.e. skóla sem kennir samkvæmt aðalnámskrá tónlistarskóla og nýtur viðurkenningar mennta- og menningarmálaráðuneytisins.

Reglurnar gilda ekki um tónlistarnám sem kennt er í listframhaldsskólum.

### 2. gr.

#### *Framlag úr ríkissjóði.*

Eins og fram kemur í samkomulaginu frá 13. apríl 2016 er árlegt styrktarframlag ríkissjóðs í Jöfnunarsjóð 520 m. kr. á árunum 2016 til 2018. Framlagið greiðist með jöfnum mánaðarlegum greiðslum. Um forsendur framlagsins og verðlagsbreytingar á tímabilinu vísast til 2. gr. samkomulagsins.

Ráðherra setur nánari vinnureglur um úthlutun framlaga að fenginni umsögn Sambands íslenskra sveitarfélaga. Vinnureglurnar eru birtar sem viðauki við þessar reglur.

### 3. gr.

#### *Upplýsingar frá tónlistarskólum – Umsóknir sveitarfélaga*

Eigi síðar en 1. mars ár hvert skulu tónlistarskólar senda því sveitarfélagi, þar sem skóli starfar, skrá um alla nemendur sem stunda eða hafa stundað tónlistarnám á yfirstandandi skólaári sem fellur undir 2. mgr. 1. gr. Upplýsingum skal skilað á eyðublaði sem Jöfnunarsjóður sveitarfélaga lætur í té og nálgast má á vefsíðu Jöfnunarsjóðs: jofnunarsjodur.is.

Við skil upplýsinga til sveitarfélaga skal taka mið af eftirfarandi:

- a. Til að hægt sé að sækja um framlag vegna náms á miðstigi í söng þarf nemandi að hafa lokið að fullu námi í söng á grunnstigi. Framlög vegna náms á miðstigi eru að hámarki greidd í fjögur ár.
- b. Til að hægt sé að sækja um framlag vegna náms á framhaldsstigi í söng eða hljóðfæragreinum þarf nemandi að hafa lokið að fullu námi á miðstigi. Framlög vegna náms á framhaldsstigi eru að hámarki greidd í fimm ár.
- c. Til að hægt sé að sækja um framlag vegna viðbótarnáms að loknu framhaldsstigi (4. hæfniprep í söng eða hljóðfæranámi) þarf nemandi að hafa lokið að fullu námi á framhaldsstigi. Framlög vegna náms að loknu framhaldsstigi eru að hámarki greidd í tvö ár.

Sveitarfélögum ber að yfirfara upplýsingar frá tónlistarskólum um kennslumagn á yfirstandandi skólaári, skv. 1. málsgrein og senda til Jöfnunarsjóðs sveitarfélaga fyrir 15. mars ár hvert. Þær upplýsingar eru ígildi umsókna sveitarfélaga um framlög fyrir næsta skólaár. sbr. þó 1. mgr. 5. gr. Við útreikning og úthlutun framlaga, sbr. 2. mgr. 1. gr, er Jöfnunarsjóði heimilt, á grundvelli upplýsinga í umsókn sveitarfélagsins, að bregðast við verulegri fækkun nemenda einstakra tónlistarskóla á yfirstandandi skólaári þannig að skerðing á framlagi komi ekki að fullu til framkvæmda á næsta skólaári.

#### 4. gr.

##### *Framlög úr Jöfnunarsjóði sveitarfélaga.*

Þegar upplýsingar liggja fyrir úr umsóknum sveitarfélaga um kennslumagn á yfirstandandi skólaári, sbr. 3. gr., birtir Jöfnunarsjóður sveitarfélaga upplýsingar um skiptingu framlaga (kennslumagns) milli sveitarfélaga vegna kennslu nemenda í framhaldsnámi í hljóðfæraleik og söng ásamt miðnámi í söng, skv. 2. mgr. 1. gr. að teknu tilliti til þess fjármagns sem er til úthlutunar hverju sinni, sbr. 2. gr. Við útreikning á kennslumagni eru raunverulegar kennslumínútur (stundir) umreiknaðar yfir í einingar út frá stuðlum í kjarasamningi tónlistarkennara.

Upplýsingar um framlög fyrir komandi skólaár skulu liggja fyrir eigi síðar en 1. apríl, sbr. þó ákvæði til bráðabirgða.

Um mánaðarlegar greiðslur framlaga verður að ræða yfir skólaárið, þ.e. á tímabilinu september til ágúst. Greiðsla skal berast til sveitarfélags eigi síðar en síðasta dag hvers mánaðar.

#### 5. gr.

##### *Breyttar forsendur og veruleg frávik*

Sveitarfélagi ber að gæta þess að framlag til einstakra tónlistarskóla nemi ekki hærri fjárhæð en heimilt er samkvæmt þessum reglum. Sveitarfélagi er þó heimilt að veita tónlistarskóla tímabundna afkomutryggingu til að bregðast við breyttum aðstæðum, sbr. 3. mgr. 3. gr. þessara reglna.

Sveitarfélagi ber að tilkynna Jöfnunarsjóði sveitarfélaga ef forsendur fyrir úthlutun framlaga breytast, svo sem ef tónlistarskóli hættir starfsemi.

Komi í ljós verulegar breytingar á kennslumagni milli skólaára, við yfirferð upplýsinga frá sveitarfélögum, sbr. 2. mgr. 3. gr., er jöfnunarsjóði heimilt að leita skýringa hjá sveitarfélögum þar að lútandi.

Ef framlög til sveitarfélags hafa verið greidd á grundvelli rangra upplýsinga skal gerð leiðrétting áður en kemur til lokagreiðslu framlags fyrir viðkomandi skólaár, en ef því verður ekki við komið, getur sjóðurinn dregið mismuninn af öðrum framlögum sjóðsins.

#### 6. gr.

##### *Langtímaforföll.*

Sveitarfélagi er heimilt að sækja sérstaklega um aukaframlag til Jöfnunarsjóðs vegna langtímaforfalla kennara á miðstigi í söng og á framhaldsstigi eða ofar í söng og hljóðfæragreinum, sem standa lengur en einn mánuð enda liggja fyrir læknisvottorð. Heildarframlag verður þó aldrei hærra en sem nemur raunverulegum viðbótarlaunakostnaði skólans vegna langtímaforfalla á því tímabili sem um ræðir.

Umsókn frá sveitarfélagi um framlag samkvæmt þessari grein skal berast til Jöfnunarsjóðs sveitarfélaga fyrir 20. júní ár hvert vegna skólaársins sem er að líða. Jöfnunarsjóði ber að hafa lokið útreikningi og úthlutun framlaga, skv. þessari grein fyrir 1. júlí ár hvert.

#### 7. gr.

##### *Framlög vegna nemenda á grunnstigi og nemenda á miðstigi í hljóðfæragreinum.*

Jöfnunarsjóði sveitarfélaga er heimilt að veita sveitarfélögum framlög vegna nemenda sem þurfa af gildum ástæðum að sækja tónlistarskóla utan síns sveitarfélags sbr. 3. mgr. 1. gr. Skilyrði er að fyrir liggja staðfesting um að námið verði metið til eininga í framhaldsskóla. Umsóknir samkvæmt þessari grein skulu berast til jöfnunarsjóðs eigi síðar en 1. september vegna komandi skólaárs.

Úthlutun framlaga samkvæmt þessari grein takmarkast af því hve mikið fjármagn Jöfnunarsjóður hefur til ráðstöfunar að teknu tilliti til framlaga skv. 4. og 6. gr. Við ákvörðun framlaga skal umsóknum forgangsraðað í eftirfarandi röð:

1. Nemendur á miðstigi í hljóðfæragreinum.
2. Nemendur á grunnstigi í söng eða hljóðfæragreinum, þ.e. nemendur sem hafa verið í tónlistarnámi á grunnstigi í eitt skólaár eða lengur.
3. Nemendur sem eru að hefja nám á grunnstigi í söng.

Falli tónlistarnám nemenda undir þessa grein ber tónlistarskóla að senda lögheimilissveitarfélagi skrá um þá nemendur, sbr. ákvæði í 3. mgr. 1, gr,

Úthlutuð framlög vegna samþykktra umsókna samkvæmt þessari grein skulu að hámarki nema 50% af vegnu meðaltali framlags á nemanda, sbr. 2. mgr. 1. gr. Framlögin geta lækkað ef eftirspurn er umfram það fjármagn sem er til ráðstöfunar skv. 2. mgr. Sveitarfélag sem sækir um framlag greiðir þann hluta kennslukostnaðar sem út af stendur. Tónlistarskólar skulu gæta þess

að samþykki lögheimilissveitarfélags liggja fyrir vegna nemenda sem uppfylla skilyrði skv. 1. og 2. mgr., áður en þeir eru innritaðir í tónlistarnám.

Um umsóknir, greiðslu framlaga og leiðréttingu áætlaðra framlaga fer skv. 3.- 5. gr. eftir því sem við á. Jöfnunarsjóður skal senda lögheimilissveitarfélögum tilkynningu um áætluð framlög fyrir næsta skólaár samkvæmt þessari grein fyrir 1. október ár hvert.

8. gr.

*Gildistaka.*


Reglur þessar eru settar á grundvelli samkomulags ríkisins og sveitarfélaga frá 13. apríl 2016 um stuðning við tónlistarnám og jöfnun á aðstöðumun nemenda og laga um fjárhagslegan stuðning við tónlistarskóla, nr. 75/1985. Reglurnar öðlast þegar gildi og koma í stað reglugerðar nr. 23/2013, sem felld verður úr gildi.

### **Ákvæði til bráðabirgða.**

Þrátt fyrir ákvæði 3. og 4. gr. gildir eftirfarandi um framlög fyrir skólaárið 2016-2017:

- a. Við skiptingu kennslumagns og úthlutun framlaga samkvæmt 4. gr. þessara reglna liggja til grundvallar upplýsingar frá tónlistarskólum um nemendur og kennslumagn skólaárið 2015–2016, yfirfarnar af viðkomandi sveitarfélagi, á eyðublaði sem Jöfnunarsjóður sveitarfélaga lætur í té. Skoðast þessar upplýsingar sem ígildi umsókna sveitarfélaga um framlag og skulu þær liggja til grundvallar við skiptingu kennslumagns fyrir næsta skólaár. Við endanlega skiptingu kennslumagns er horft til þess hvort samdráttur hafi orðið í kennslumagni tónlistarskóla frá vori 2014 til vors 2016 og bætt við kennslumagni sem nemur 70 hundraðshlutum af neikvæðum mismun undanfarinna tveggja ára.
- b. Upplýsingar frá Jöfnunarsjóði sveitarfélaga um framlög á skólaárinu 2016 - 2017 skulu sendar til sveitarfélaga eigi síðar en 1. september 2016.

*Innanríkisráðuneytinu, 31. ágúst 2016.*



## Vinnureglur

### Úthlutun framlaga á grundvelli 2. mgr. 1. gr., sbr. 4. gr. reglna um framlög úr Jöfnunarsjóði sveitarfélaga til eflingar tónlistarnámi og jöfnunar á aðstöðumun nemenda

Tónlistarskólar sem njóta viðurkenningar mennta- og menningarmálaráðuneytisins og veita nemendum kennslu sem fellur undir samkomulagið fylla út sérstakt skjal í töflureikni sem nálgast má á vefsíðu Jöfnunarsjóðs sveitarfélaga. Í skjalinu er óskað eftir eftirfarandi upplýsingum

- Upplýsingum um nemendur sem falla undir samkomulagið.
- Upplýsingum um fjölda nemenda og kennslustunda sem falla ekki undir samkomulagið. Upplýsinganna er aflað vegna aðferðafræði við útreikning framlaga.
- Upplýsingum um allar aðrar kennslustundir, svo sem í tónfræði og samspili/samsöng.

Skjalið er síðan sent til kennslusveitarfélags eigi síðar en 1. mars. Kennslusveitarfélagið sendir síðan skjöl fyrir alla viðurkennda tónlistarskóla í sveitarfélaginu til Jöfnunarsjóðs sveitarfélaga fyrir 15. mars. Á grundvelli þeirra upplýsinga sem fram koma í innsendum skjölum kennslusveitarfélags er fundinn út heildarfjöldi kennslueininga (sjá skilgreiningu hér á eftir) fyrir hvert sveitarfélag á grundvelli samkomulagsins. Hvert sveitarfélag fær síðan fjárframlag hlutfallslega miðað við heildarfjölda kennslueininga allra sveitarfélaga vegna þess náms sem fellur undir samkomulagið að teknu tilliti til ráðstöfunarfjármagns Jöfnunarsjóðs. Sveitarfélögum er einnig tilkynnt, samhliða tilkynningu um framlag, hvaða lágmarksfjölda kennslustunda tónlistarskólum sveitarfélagsins ber að kenna. Fjöldi stunda er reiknaður út miðað við uppgefinn kostnað á kennslustund.

#### Útreikningsreglur

Við útreikning á heildarfjölda kennslueininga tónlistarskóla eru raunverulegar kennslumínútur (stundir) umreiknaðar yfir í einingar út frá stuðlum í kjarasamningi tónlistarkennara. Þessar umreiknuðu einingar eru grundvöllur að stöðuhlutfalli tónlistarkennara og endurspegla því hvernig kennslukostnaður er fundinn.

Aðferð við útreikninginn er sú að heildarkennslustundum og stundum í meðleik er breytt yfir í kennslustundir á grunnstigi. Þessar umreiknuðu kennslustundir kallast kennslueiningar. Þetta er gert með stuðlum reiknuðum skv. töflu 1 er sýnir mismunandi kennslueiningar eftir námsstigum fyrir hverja kennda klukkustund. Sem dæmi jafngildir ein kennslustund á miðstigi 1,0926 kennslueiningum og ein kennslustund í meðleik á miðstigi jafngildir 1,2371 kennslueiningum.

Tafla 1 - Kennslueiningar fyrir hverja kennslustund/meðleik á hverju námsstigi

	Kennsla <sup>1)</sup>	Meðleikur
Fornám/Grunnstig	1,0000	1,0926
Miðstig	1,0926	1,2371
Framhaldsstig	1,2371	1,4229
Nám að loknu framhaldsst.	1,2371	1,4229

1) Einkakennsla, samkennsla, samspil, samsöngur og önnur kennsla.

Þannig er fundinn út heildarfjöldi kennslueininga (umreiknað kennslumagn) á ári, fyrir hvert sveitarfélag, sem fellur undir samkomulagið.

Námsstigin sem falla undir samkomulagið eru:

- Hljóðfæranám á framhaldsstigi
- Söngnám á miðstigi
- Söngnám á framhaldsstigi

Við kennslueiningar í aðalnámsgreinum (hljóðfæranám/söngnám) er síðan bætt hlutdeild þessara námsstiga í aukanámsgreinum í sömu hlutföllum.

Summa kennslueininga vegna þessara námsstiga hvers skóla er auðkennd “ $T_{\text{Samk}}$ .” Summa allra skóla sama sveitarfélags er auðkennd “ $S_{\text{Samk}}$ .” Summa allra sveitarfélaga sem falla undir samkomulagið er auðkennt “ $H_{\text{Samk}}$ .”

$$S_{\text{Samk}} = \sum T_{\text{Samk}} (i); i = \text{númer skóla innan sveitarfélags}$$

$$H_{\text{Samk}} = \sum S_{\text{Samk}} (j); j = \text{númer sveitarfélags}$$

$$F_{\text{Samk}} = \text{Fjármagn til ráðstöfunar vegna samkomulagsins}$$

$$F_{\text{Svfe}} = \text{Fjármagn til sveitarfélags}$$

Hvert sveitarfélag fær síðan fjárframlag hlutfallslega miðað við heildarfjölda kennslueininga allra sveitarfélaga vegna þess náms sem fellur undir samkomulagið skv. eftirfarandi:

$$F_{\text{Svfe}} = S_{\text{Samk}}/H_{\text{Samk}} \times F_{\text{Samk}}$$



## Til Reykjavíkurborgar

Berist til : Einar Þorsteinsson, borgarstjóri  
Dagur B. Eggertsson, formaður borgarráðs  
Þórdís Lóa Þórhallsdóttir, forseti borgarstjórnar

Málsnr.: TSS 24060004  
Skjalasafn Ráðhúss  
31. maí 2024  
Bréfalykill: 02.10.05

Skólastjóri Tónskóla Sigursveins (TSDK) hefur greint stjórn Styrktarfélags TSDK, sem jafnframt er skólaráð hans, frá því að Reykjavíkurborg hafi skert sammingsbundin framlög til skólans sem nemur kennslukostnaði nemenda eldri en 18 ára eins og nánar er greint frá í meðfylgjandi greinargerð. Stjórn Styrktarfélagsins lítur þetta alvarlegum augum. Þótt hún virði rétt borgaryfirvalda til að hafa áhrif á hvernig því fé sem borgin veitir til tónlistarkennslu skuli varið getur hún ekki unað því að gengið sé á rétt skólans og starfsemi hans sköðuð eins og gert er í þessu tilviki.

Nokkur hluti af kennslu skólans, þ.m.t. kennsla þeirra sem eru yfir 18 ára aldri, er greidd af sjálfsaflafé hans. Hefur verið unnt að gera það þrátt fyrir að námsgjöld skólans hafi jafnan verið þau lægstu meðal tónlistarskóla á höfuðborgarsvæðinu. Stafar það að hluta til vegna stærðar skólans og hagkvæms rekstrar en ekki síst vegna þeirra húseigna sem Styrktarfélagið hefur byggt upp og lagt honum til á þeim 60 árum sem liðin eru frá stofnun hans. Fjárhagslegt gildi þeirra felst í því að þær eru nú til afnota án greiðslu leigu, afborgana eða vaxta og fær skólinn auk þess nokkrar tekjur af útleigu hluta þeirra. Framlag þetta er ávöxtun á því fé sem Styrktarfélagið hefur lagt skólanum til á löngum tíma.

Eins og meðfylgjandi greinargerð sýnir uppfyllir skólinn ákvæði þjónustusamnings síns við borgina að öllu leyti og allt framlag borgarinnar fer til kennslu nemenda yngri en 18 ára úr Reykjavík. Með ákvörðun um fækkun kennslustunda er ekki aðeins verið að skerða þjónustu skólans. Með henni er einnig hlutast til um það hvernig skólinn, sjálfseignarstofnun, ráðstafar eignum sínum og sjálfaflafé. Það samræmist ekki góðri stjórnsýslu og á sér hvorki stoð í lögum um fjárhagslegan stuðning við tónlistarskóla né í lögum um sjálfseignastofnanir. Auk þess virðist málalátillitunurinn ekki samræmast almennum sjónarmiðum um að stuðla að hagkvæmni og gæta jöfnuðar.

Stjórn Styrktarfélags skólans getur ekki unað því að framlag til hans verði skorið niður eins og gert hefur verið og mælist eindregið til þess að frá því verði horfið. Stjórnin er jafnframt reiðubúin til viðræðna við fulltrúa borgarinnar telji hún tilefni vera til að ræða starfsemi skólans.


Tónskóli Sigursveins D. Kristinssonar varð 60 ára 30. mars sl. og fagnaði því sunnudaginn 14. apríl með 6 klukkustunda tónleikaveislu í Hörpu þar sem 580 nemendur skólans kynntu hið þróttmikla starf hans. Í sömu viku var hann berandi afl á Barnamenningarhátíð og þrjú fyrrum nemendur skólans léku einleik með Sinfóníuhljómsveit Íslands. Þennan afrakstur blómlegs skólastarfs þarf að efla og styrkja. Næsta fréttabréf skólans sem dreift er til nemenda, foreldra og styrktarféлага verður helgað afmælishátíðinni. Stjórnin væntir þess að þar verði unnt að greina frá því að borgin hafi samþykkt að kennsluframlag hennar verði óbreytt frá því sem var skólaárið 2022-2023 og hún muni einnig greiða skólanum fyrir kennslu sem hann veitir nemendum grunnskóla í Breiðholti.

Reykjavík í maí 2024


Virðingarfyllt




Formaður skólaráðs



Skólaráðsmaður



Skólastjóri



Skólaráðsmaður

## Greinargerð

### Lækkun á framlagi Reykjavíkur til Tónskóla Sigursveins

Skólastjóri Tónskóla Sigursveins D. Kristinssonar (TSDK) hefur greint skólaráði skólans og stjórn Stýrtarfélags skólans frá því að Reykjavíkurborg hafi skert samningsbundin framlög til skólans sem nemur kennslukostnaði nemenda á grunn- og miðstigi sem eru yfir yfir 18 ára aldri. Er það um 10 milljónir. króna eða ígildi 626 kennslustunda af þeim 14.657 stundum sem skólinn fékk síðastliðið skólaár (2022-2023) skv. þjónustusamningi við borgina. Skólastjóri mótmælti þessari ákvörðun og undirritaði þjónustusamninginn með fyrirvara um endurskoðun m.a. vegna þess að ekki var staðið við fyrirheit borgarinnar um að framlög yrðu ekki skert vegna nemenda sem innritaðir voru á skólaárinu 2022-23 sem áttu að fá tíma til 25 ára aldurs til að ljúka miðprófi. Skólastjórinn hefur ekki fengið viðbrögð við athugasemdum sínum og mótmælum.

Kennslustundir á grunn- og miðstigi skólaárið 2022 - 2023 voru 17.322 talsins eins og fram kemur í skýrslum skólans til borgarinnar (Tónlaunaskjal 2022-23). Skólanum bar skv. þjónustusamningi við Reykjavíkurborg að kenna að lágmarki 14.657 kennslustundir á þessum stigum. Tónskólinn kennir því 2.665 stundir umfram það sem honum ber að kenna á grunn- og miðstigi fyrir framlag borgarinnar. Innan þess stundafjölda rúmast þær 794,5 stundir sem fóru til kennslu 22,7 nemenda sem eru eldri en 18 ára.

Kennsla og þjónusta skólans umfram þjónustusamning eru af margvíslegum toga. M.a. því að skólinn hefur tekið inn nemendur umfram skuldbindingar skv. þjónustusamningi og kennslu í samstarfi við grunnskóla í Breiðholti sem borgin hefur ekki styrkt þrátt fyrir ítrekaðar umsóknir. Að hluta er það vegna kennslu umfram námskrá og þess að skólinn veitir nemendum sínum tækifæri til þátttöku í hljómsveitastarfi, tónleikum og samstarfi við aðra tónlistarskóla hérlendis og erlendis sem hefur sýnt sig vera ómetanlegur þáttur í góðu tónlistaruppeldi.

Nemendur úr borginni, yngri en 18 ára í grunn- og miðstigi, eru mun fleiri en sá fjöldi sem framlag borgarinnar miðast við. Boðuð skerðing myndi því í engu bæta nýtingu þess fjármagns fyrir borgina þar sem það er þegar að fullu nýtt til kennslu þessara nemenda en myndi leiða til þess að fækka yrði nemendum og draga úr þjónustu við þá. Auk þess virðist þessi gjörningur stangast á við hagsmuni borgarinnar um að stuðla að hagkvæmni í tónlistarkennslu í borginni og gæta jöfnuðar. Það að tónlistarskólar fá síður notið hagkvæmni í rekstri og sjálfsaflafjár skapar ranga hvata.

Þess má og geta að skólinn hefur á mörgum undanförunum árum ekki aukið umsvif sína á kostnað borgarinnar. Þvert á móti hefur framlag hennar lækkað frá því að samsvara 30 stöðugildum kennara á árinu 1990 í um 20 stöðugildi nú. Er það þrátt fyrir mikla fjölgun borgarbúa, mikla aðsókn að skólanum og þá staðreynd að hann einn skóla hefur reynt að bjóða fram kennslu og þjónustu í borgarhverfum þar sem þátttaka í tónlistarnámi er minni og nemendur af erlendum uppruna fleiri en almennt er. Reyndar stunda nú hlutfallslega færri nemendur tónlistarnám í Reykjavík en í flestum stærri bæjarfélögum landsins

Skerðing á framlagi til skólans með einhliða ákvörðun borgarinnar vegna þess það hann verji hluta af eignatekjum sínum til kennslu nemenda, sem ekki falla að skilgreiningu borgarinnar á hverjir skuli njóta góðs af framlagi hennar er órökrétt og óverjandi, og fer í bága við þjónustusamning hans við borgina, eðli hans og tilgang. Skólinn hefur að fullu staðið við sinn hluta þess þjónustusamningsins og ráðstafar öllu framlagi borgarinnar til kennslu nemenda sem eru 18 ára og yngri og veitir að auki nemendum úr Reykjavík þjónustu umfram forsendur þjónustusamningsins bæði hvað varðar fjölda nemenda og kennslumagn. Skerðing á framlagi borgarinnar til skólans á þeim forsendum sem greint hefur verið frá er að mati skólaráðs brot á þjónustusamningi borgarinnar og skólans og er að auki atлага að rétti og eignum sjálfeignarstofnunarinnar Tónskóli Sigursveins D. Kristinssonar.

Afrit til skóla- og frístundasviðs Reykjavíkurborgar

Helgi Grímsson, sviðstjóri

Aino Freyja Jervala, verkefnastjóri tónlistar og listfræðslu

Haukur Þór Haraldsson, fjármálastjóri



Tónlistarskólinn  
í Grafarvogi

Reykjavíkurborg  
Skóla- og frístundasvið  
Helgi Grímsson sviðsstj.  
Borgartúni 12-14  
105 Reykjavík

Reykjavík, 20. maí 2024

### **Umsögn Tónlistarskólans í Grafarvogi ehf. um tillögur um þjónustusamninga.**

Vísað er til bréfs skóla- og frístundasviðs Reykjavíkurborgar (SFS), dags. 13. maí 2024, þar sem fyrirvarsaðilum tónlistarskóla borgarinnar er gefinn kostur á að koma á framfæri athugasemdum við tillögu SFS um endurnýjun þjónustusamninga vegna neðri stiga tónlistarnáms til þriggja ára með óbreyttum fjölda kennslustunda m.v. núverandi fjárheimildir. Eins að gerður verði samningar vegna efri stiga til eins árs, sem verði óbreyttir nema hvað varði kennslumagn og fjárhæðir sem taki mið af kennslumagni sl. skólaárs og heildarfjármagni sem Jöfnunarsjóður áætli að greiða til Reykjavíkurborgar vegna verkefnisins.

Af hálfu Tónlistarskólans í Grafarvogi er ánægju lýst með áform SFS um gerð þjónustusamninga til þriggja ára við tónlistarskóla vegna neðra stiga. Gerð þjónustusamnings til eins árs í senn hefur valdið vandkvæðum við skipulagningu skólastarfs, ekki síst í því ljósi að tillögur um fjárframlög til skólanna hafa einatt ekki birst fyrr en í lok júní ár hvert. Innritun í tónlistarskóla hefst hins vegar löngu fyrr. Endurinnritanir hefjast alla jafna í apríl og innritanir nýrra nemenda hefjast í maí. Hefur þar af leiðandi verið hætta á því að innritaðir nemendur verði fleiri en sem nemur fjárframlagi borgarinnar. Með samningi til þriggja ára munu skólarnir hafa betri yfirsýn yfir það frá ári til árs hversu marga nemendur sé óhætt að innrita fyrir komandi skólaár og geta skipulagt rekstur sinn betur.

Hvað varðar þá tillögu að miðað verði við óbreyttan kennslufjölda frá árinu á undan eru gerðar athugasemdir við það af hálfu Tónlistarskólans í Grafarvogi. Í skýrslu innri endurskoðunar Reykjavíkurborgar um sjálfstætt starfandi tónlistarskóla, fyrir skólaárið 2021/2022, dags. 24. maí 2023, kemur fram að samningskennslumagn tónlistarskólans í Grafarvogi hafi verið 6.312 stundir en raunkennslumagn verið 7.216 stundir. Samkvæmt því námu kennslustundir umfram samning alls 904 stundum það ár, sem jafngildir um 24 umframnemendum á ári. Sama gildir fyrir skólaárið 2022/2023. Kennslustundir voru samtals 7.147 en samningsmagn var einnig 6.312. Samkvæmt því kenndi skólinn u.þ.b. 1.800 stundir umfram samninga á þessum tveimur árum.


Fyrir yfirstandandi skólaár 2023/2024 voru kennslustundir hins vegar skornar niður um 58 frá fyrra ári og lækkaði framlagið um sem því nemur eða um 902.108 kr. Niðurskurðurinn var framkvæmdur á grundvelli þeirra niðurskurðartillagna borgarinnar sem kynntar voru sumarið 2023. Þær tillögur gengu út á að borgin hætti að greiða með tónlistarnámi nemenda sem náð hafa 18 ára aldri. Í Tónlistarskólanum í Grafarvogi voru tveir nemendur sem náð höfðu þessum aldri og stunduðu grunnnám við skólann. Ætla verður að niðurskurður borgarinnar gagnvart skólanum hafi miðað að því að greiða ekki með slíkum nemendum framvegis, þ.e.a.s. skera niður framlag til skólans um sem nemur kostnaði við að kenna tveimur nemendum sem náð hafa 18 ára aldri. Á það er hins vegar bent að í ljósi hins verulega umframkennslumagns við skólann undanfarin ár hafi Reykjavíkurborg í raun ekki greitt framlag með þessum nemendum, enda kenndi skólinn það skólaár 24 nemendum umfram það sem greitt var fyrir eða um 900 kennslustundir. Þessir eldri nemendur hafi ekki kostað Reykjavíkurborg neitt á umliðnum árum, heldur hafi kostnaður vegna náms þeirra alfarið verið á kostnað skólans. Niðurskurður á þessari forsendu var því ekki réttlætunlegur. Ekki hafi verið forsvaranlegt að minnka fjárframlag á þessari forsendu nema í þeim tilvikum þar sem samningskennslumagn og raunkennslumagn var svipað, eða raunkennslumagn minna en fjárframlagið. Af framangreindri skýrslu innri endurskoðunar Reykjavíkurborgar má ráða að það verið raunin í tilviki nokkurra tónlistarskóla.

Með bréfi þessu er farið fram á að fjárframlag af hálfu borgarinnar verði leiðrétt til fyrra horfs þegar nýr samningur er gerður til þriggja ára. Það væri sem fyrr alfarið ákvörðun skólans hvort fleiri nemendum sé kennt en greitt er með.

Takmörkuð fólksfjölgun hefur orðið í Grafarvogi undanfarin ár. Tónlistarskólinn í Grafarvogi hefur brugðist við því með því að færa út starfsemi sína í önnur hverfi og boðið upp á tónlistarnám í Grafarholti, Úlfarsárdal og Fossvogi. Var þetta m.a. gert til að tryggja að skólinn standi við reglur borgarinnar um þjónustusamninga, þar sem miðað er við að ekki séu færri en 150 nemendagildi á grunnstigi og markmið borgarinnar hefur verið að færa töluna í 200. Óhjákvæmilegt er að kenna umfram kennslumagn til að ná þessu markmiði. Stækkun skóla er mjög kostnaðarsöm. Ósanngjarn niðurskurður gagnvart skólanum er ekki hvetjandi í þessu sambandi, enda hefur markmið skólans um að kenna fleiri en 150 nemendum, þar á meðal sumum á sinn kostnað, í raun leitt til niðurskurðar af hálfu borgarinnar. Er það sérstaklega ósanngjarn, þar sem fjöldi skóla nær ekki þessu nemendalágmarki og hefur jafnvel aldrei gert.

Loks er áréttað að mikilvægt er að þótt ekki standi til að fjölga kennslustundum sem greitt er fyrir að fjárframlagið taki mið af þróun vísitölu launa. Í desember á síðasta ári var samþykktur nýr skammtíma kjarasamningur fyrir tónlistarkennara sem rennur út 31. maí 2024. Hafa má það í huga þegar ákvarðaðar eru fjárveitingar til skólanna.

Virðingarfyllt,  
f.h. Tónlistarskólans í Grafarvogi ehf.



Edda H. Austmann  
Skólastjóri